



WANTOK

Niuspepa bilong yumi ol PNG stret!

Wan Wik,

Mas 17 - 23, 2005

NAMBA 1600

K1.00 long Mosbi tasol



**Pes 3 - Pamuk pasin long Madang
Pes 5 - Mani bilong Manam paul
Insait: 4 pes Fiseris na Catholic
Reporter**

Great Quality

Affordable Price



**NRL nius long pes 30 wantaim
ol lokol spot long beks pes**

Nupela Wantok prais: Wantok Niuspepa nau bai kamapim wanpela bikpela senis long prais bilong em. Long olgeta provns bai *Wantok Niuspepa* i salim long **K1.30** long wanpela pepa. Long Mosbi tasol em wanpela *Wantok Niuspepa* em **K1.00**. Dispela senis i kamap bikos prais bilong prinim niuspepa na balus fea bilong karim niuspepa i go long arapela provins i go antap.

Skelim ilektorel baundri

Maisan Pahun i raitim

Ilektorel Baundris Komisen i kamapim wanpela bikpela lukluk raun i go insait long olgeta provns bilong kantri long makim graun mak long stretim wantaim namba bilong ol manmeri insait long wanwan ilektoret long kantri.

Ilektorel Komisen na Ilektorel Baundris Komisina Mista Andrew Trawen i tok kantri i no kamapim kain samting long yia 1977 i go inap nau. "Olsem na em i gutpela sapos ol pipel i kam toktok na helpim ol Komisen long wokim rivi o glasim gen ol mak bilong baundris."

Ilektorel Baundri tim bilong wanwan rijen i pinis na long ripot i kam long Lae Gavana bilong Morobe Luther Wenge i autim tingting sapos Momase tim i mas lukluk long kamapim tupela o tripela ilektoret bilong Lae na Bulolo. Em i tok olsem sapos Lae open i ken buruk i go Lae Is na Lae Wes Open.

Na tu em i laikim bai Wau Bulolo open i bruk go tupela hap na kamap Wau - Garaina Open na Bulolo open. Nau yet ol Momase Ilektorel Baundri Komisen tim i stap long Morobe provins na bihain bai go long ol narapela Momase provins.

Long antap long Hailans rijen tu Gavana bilong Sauten Hailans Hami Yawari i tokim ol pipel long laibu distrik olsem em i laikim provins bilong em i gat tupela moa ilektoret. Na wankain tu long ol narapela hailans provins we populesen o namba bilong ol manmeri i antap pinis. Mista Andrew Trawen bilong Ilektorel

Opis i tok wok bilong ilektoret baundris em long bungim ol tingting bilong kamapim ilektoret Baundris na Provinsel Baundris. Olsem na ol askim i bin kamap long dispela nupela Hela provins em Mista Trawen i tok em i no wok bilong ol. "Dispela tingting bilong kamapim nupela Hela provins em i wok bilong Nesenel Gavman na i no kam aninit long mipela," Mista Trawen i tok..

Man i go pas long Ailans rijen em Komisina yet Mista Andrew Trawen, long Hailans em loya Phillip Amè, long Momase em Nick Suvalo husat i save wok wantaim National Statistic ofis. Dispela bikpela wok raun bai kostim klostu olsem K2 milien na Nesenel Gavman i helpim dispela wok. Insait long dispela wanwan tim igo long ol rijen bai i gat 4 i go 6 ilektorel Baundri ofisel.

Wok bilong makim baundri i bikpela samting bikos populesen bilong kantri i wok long go antap moa yet. Las Baundri Komisen i bin kamap long yia 1977 we ol i bin senisim baundri bilong sampela ilektoret. Bihain long 1992 i bin gat wanpela Komisen tasol palamen i no bin tok orait long dispela Komisen we ol i rausim.

Olgeta ripot bilong dispela wokabaut bai palamen i kisim long mun Jun na seken ripot long mun Julai dispela yia. Sapos palamen i no tok orait long ripot bilong ol bai i nogat senis long ol ilektorel baundri bilong kantri. Organic Lo bilong Provinsel na Lokol Levul Gavman ileksen i orait long Komisen long kamapim nupela ilektoret long go wantaim senis.

... sampela provins laikim ekstra ilektoret



Kompensesen - Gavana bilong Sauten Hailans provins Hami Yawari i givim K10,000 i go long kaunsel bilong ples long larim rot long Kisenepoi lalibu i go het na noken pasim. Dispela em kompensesen peimen mak olsem K200,000.



coleman cooler istap long olgeta Brian Bell stua na Authorised Dealer

Polis Ripot

Pot Mosbi - NCD

Polis i wok long painim husat stret i kilim wanpela meri long Hohola hia long Pot Mosbi long aste. Ekting Polis Komisina Gari Baki i no amamas long kain samting i save kamap we i bagarapim nem bilong kantri bilong yumi.

Nau yet em i singaut i go long pablik bilong Nesinei Kapitel Distrik (NCD) long halevim polis karim wok painim aut i go long dispela pasin nogut. Baki i singaut tu i go long ol meri long NCD long lukaut gut taim raun long nait taim.

Ol polis i wok painim aut long painim husat i bin kilim dispela meri na bai ol i putim em long kalabus.

Dispela meri i dai em Rose Hame husat i gat 28 krismas na bilong Tari Sauten Hailens Provins na i save stap long Hohola pawa stesin. Sampela lain i bin lukim em dring i stap klostu long Cheshire Homes long Tunde nait.

Sampela grup manki i bin painim bodi bilong em long 6 kilok aste moning na ripot i go long polis.

Kainantu - EHP

Polis long Kainantu taun i painim pinis wanpela kamapani ka we ol raskol i yusim long ranawe bihain long ol i stilim K7,600 long wanpela stua.

6-pela man wantaim tupela hai pawa gan, wanpela hom-meid gan na bus naif i go holim pasim ol wokman bilong Renbo stoa long Kainantu na stilim dispela ka na K7,600.

Wanpela wokman i stori olsem ol raskol i brukim dua i go insait long Sande apinun na paitim meri i save holim ki bilong seif. Bihain long ol i kisim mani pinis ol i kisim ka bilong kampani na ranawe.

Polis bilong Kainantu i kamapim wok painim aut yet long dispela raskol pasin.

Bogenvil bai gat rijonel memba long Palamen

BOGENVIL bai mas gat Rijonel memba long makim Bogenvil Otonomes Rijon long Nesene Gavman. Na Presiden long go pas long Otonomes Gavman.

Long ol ripot Wantok Niuspepa i kisim long Bogenvil, gavana o man husat holim wok olsem gavana i mas risain sapos em i laik resis long Bogenvil Otonomes Gavman.

Sinia Ligel Opisa long Bogenvil Edministresen Chris Siriosi i klaimi tok olsem bipo ol i givim ol vot pepa i go aut, man husat i holim posisen olsem gavana i mas risain sapos e mi laik resis long otonomes gavman.

Em i tok moa tu olsem sapos gavana i risain long resis long otonomes gavman, Bogenvil bai holim bai ileksen long

makim nupelpa rijonel memba long makim Bogenvil otonomes Gavman long Nesene Palamen.

Em i tok em i samting bilong Nesene Iktorel Komisn long makim taim bilong holim bai ileksen.

- Veronica Hatutasi



Wok Bung...Papua Niugini Difens Fos (PNGDF) na Australian Difens Fos (ADF) i wok bung wantaim long wanpela ekasesais ol i kolim Long Reach 2005 long helpim ol polis, ami, gavman na ol non-gavman ogenaiesen (NGO) long ol we bilong mekim ol plen na mekim wok long ol ples we bikpela bagarap i bungim ol olsem long Manam ailan nau. Ekasesais i bin stat long Mande long Mosbi. Foto: ANDREW MOLEN

K3milien bilong stretim ol bareks

OL POLIS bareks insait long kantri bai lukim sampela gutpela senis bihainim moa long K3 milien long Lo na Jastis Sekta.

Ekting Polis Komisina Gari Baki i tok Lo na Jastis Sekta i katim K3,138,750-00 long bilsim ol nupela haus na tu stretim ol dispela is tap tasol i wok long bagarap insait long ol polis bareks long kantri.

Mista Baki i tok dispela mani bai helpim ol wok we Royel PNG Polis Konstebuleri i kamapim long dispela taim long stretim ol haus tasol planti ol bilding insait long ol bareks i wok long bagarap na bai kisim sampela taim long stretim ol.

Ileksen bilong Bogenvil bai go het

Veronica Hatutasi i raitim

LIKLIK lain gan ol i no bagarapim yet long Bogenvil i mas noken stopim ileksen bilong otonomi gavman long go het. Dispela em ol gan i stap pinis long kontena na make m long 6 pe sen tasol.

Toktok i kam long Deputi Gavana bilong Bogenvil Gerard Sinato bihainim etvais bilong Dairekta bilong Yunaitet Nesens Obseva Misin long Bogenvil (UNOMB) William Ozkaptan.

Mista Ozkaptan i bin autim tok long dispela insait long wanpela bung wantaim Bogenvil Trensisenel Konsaltativ Kaunsel (ICC). Ol ITCC memba i bin singautim tupela bikman long tokim Kaunsil wanem tingting bilong UNOMB long wok bilong rausim na bagarapim ol gan i stap we

nau. Mista Sinato i tok em i amamas olsem tupela UNOMB opisa i bin inap long stap long ICC bung bikos ol i mas klia gut long samting bipo ol i wokim ol disisen, moa yet long Bogenvil otonomi gavman ileksen.

Na UNOMB em dispela bodi tasol we ripot bilong em long wok bilong rausim na bagarapim ol gan bai as long ileksen i kamap o nogat, em i tok.

Mista Sinato i tok long las wik, ICC i bin bungim hatpela taim long wokim disisen long tok oraitim ol taim stret bilong holim ileksen bikos UNOMB i mas givim tok orait ripot long Yunaitet Nesens Sekyuriti Kaunsel husat bai givim fainol tok orait long ileksen i go het.

Tasol Mista Ozkaptan i bin tokim ol ICC

memba olsem long sait bilong politiks, em i orait long holim ileksen long Bogenvil.

Em bin tok long luksave bilong UNOMB opis, No Go Zon lain i no inap kamapim hevi long ileksen bilong otonomi gavman long Bogenvil.

Mista Sinato i luksave long toktok na sanap bilong UNOMB na dispela i helpim ICC long tokaut long ol taim bilong holim ol ileksen las Fraide. Ol opisel taim bilong holim namba wan Bogenvil otonomi ileksen em:

- Epril 14- Givim aut ol rit o pepa bilong vot
- Epril 14-21- Nominesen i stat.
- Me 20 inap long Jun 2 - Vot bai kamap na kaunim ol vot.
- Jun 8- Kisim bek na givim ol rit o vot pepa.



"God i givim strong long ol manmeri"

Yupela Israel, yupela ol lain bilong Jekop, bilong wanem yupela i save toktok planti olsem, "Bikpela bilong mipela. Mipela i bungim taim nogut, tasol em i no laik helpim mipela." Ating yupela i no harim. Em i mekim kamap olgeta samting long olgeta hap bilong graun. Na i nogat man i nap long save long olgeta tingting bilong em. Strong bilong en i no save slek na pinis. Bikpela i save strongim ol man i nogat strong. Strong bilong ol strongpela yangpela man i save slek na pinis. Tasol ol manmeri i bilip long Bikpela na i wetim em i helpim ol, ol bai i stap strong oltaim. Na bai ol i flai olsem ol tarangau. Bai ol i ran na ol i no inap sotwin, na bai ol i wokabaut na ol i no inap tes.

Aisaia 40: 27-31



Pamuk pasin i kamap bikpela long Madang

James Kila i raitim

DISPELA naispela nem "Beautiful Madang" o long Tok Pisin naispela ples Madang i gat tudak sait bilong en tu.

Dispela tudak sait bilong Madang i save kamap long sampela eria bilong taun na i pre-tim planti ol nupela man husat i laik raun gut na amamas long Madang taun. Planti bilong ol i guria olsem naispela nambis taun wantaim gutpela bilas i gat dispela kain doti pasin i stap.

Wanpela eria long Laiwaden eria i wok long lukim bikpela bisnis bilong pasin pamuk i gro bikpela nau. Dispela eria em i stap long Redscar na go daun olsem long rot bilong Edmin kompaun. Dispela eria em sampela i save kolim "Hagen Park" bikos ol bas bilong Hailans i save pulap tru long ol pamuk meri i raun raun na grisim ol man long mani na bia

na tu mekim pasin pamuk taim i save spak na mekim. Na tu planti kainkain tok nogut bai nois long ia bilong yu.

Planti bilong ol dispela meri em ol meri Hailans husat i save slip nambaut long Edmin kompaun eria na long nait i save wokabaut raun long grisim ol man long slip wantaim ol long kisim mani.

Wanpela famili husat i save stap long dispela Laiwaden eria klostu long Redscar eria i tok dispela pasin i save kamap olgeta nait.

Ol dispela lain pamuk i save yusim erfa bilong Laiwaden oval olsem ples pamuk bilong ol. Wantok i bin raun long dispela eria em wanpela 24 aua bas stop bilong ol Hailans bas na tu dispela hap i save lukim planti pamuk meri i raun raun na mekim ol pasin nogut long hap.


Wanpela mausman bilong CARE-PNG, Petrus Mondo i mekim bikpela singaut nau i

go long Madang Provinsel Gavman na Provinsel Polis Komanda (PPC) Nema Mondial long lukluk i go insait long dispela hevi na traim long stopim.

Dispela em bikos dispela hevi i ken bringim sik nogut olsem HIV/AIDS long Madang i go bikpela na tu bagarapim gutpela nem bilong Madang, em i tok.

Mondo i tok planti bilong ol dispela pamuk meri em ol mama Hailans we ol man i lusim ol na planti i nogat gutpela rot long painim mani olsem na ol i wok long salim bodi bilong ol yet long kisim mani.

"Planti bilong ol dispela meri i save bilas gut tru, putim longpela trausis na wokabaut mekim stail bilong ol i go i kam long dispela rot long nait long grisim ol man. Taim ol lukim kari draiv i kam ol i save wokabaut stret long laif bilong ka long pulim ai bilong ol draiva long stop na pikim ol."



Koroboro...Collin Avosa, Mark Henry na Julian Luwong, ol sumatin bilong Korobosea International Skul long Mosbi, i sindaun lukim kompyuta taim ol i putim nupela websait bilong skul bilong ol www.koroboro.ac.pg
Foto: MAISON PAHUN

Lo i no inap helpim yumi hariap

Paulus Tali i raitim

LIGHT Hope Bearer's Mission (LHBM) long 2 Mail long Mosbi i karimaut wanpela program bilong em nau long traim na daunim pasin bilong kisim spak brus na ol strongpela dring o alkohol.

Long dispela program LHBM i wok bung wantaim ol yut long strit we ol i givim skul long ol long sait bilong spak brus, strongpela dring o spirit na sik HIV AIDS tu.

Kodineta bilong LHBM, Peter Miliken i tok olsem lo i no inap long daunim dispela kain hevi long kantri olsem na yumi ol pipel yet i mas wokim sampela samting long traim na helpim long daunim dispela ol hevi we i wok long kaikaikam kantri na ol pipel.

"Planti ol skul manki nau i save yusim tumas mariwana na hombru," Mista Miliken i tok.

Mista Miliken i tok HIV AIDS i no inap long i

go antap sapos yumi ol NGO i wok strong na kempen long sait bilong kontrolim pasin bilong kisim spak brus na alkohol we em i as bilong bagarapim tingting bilong ol manmeri na dispela i save sut i go long HIV AIDS.

Mista Miliken i tok tu olsem ol i raitim pinis foapela buk long helpim dispela kempen bilong ol.

- Namba wan buk em;
- Alcohol awareness,
- Certificate courses for trainee teachers,
- Rehabilitation Treatment na
- Chapter Develop.

Kantri bilong yumi tude i gat bikpela sem pasin tru long namba bilong HIV AIDS we i go antap tru. Long dispela yumi mas wok wantaim long daunim kain sik long noken go bikpela moa yet.

Mista Miliken i tok tu olsem long sampela wik i kam bihain bai bikpela aweanes pogrem bai i kamap long 2 mail na 3 mail long pasin

bilong spak brus na ol strongpela dring o spirit dring.

Na tu long dispela taim yet Bernard Malle bilong Edukesen dipatmen i tokim *Wantok Niuspepa* olsem long 2 na 3 mail i gat 20 yut i kisim sik long het pinis bikos long ol i save kisim dispela kain samting olsem na awenes i mas go het na stopim ol kain sik nogut bilong ol yut long kisim dispela smuk nogut.

Pasin bilong dring spak na kisim spak brus i save wokim ol man long kamapim trabel, reip, na raskol pasin nambaut, em i tok.

"Smok mariwana tasol i save go klostu long abrusim sik AIDS tude" Mista Malle i tok long wanpela singaut i go long gavman na pablik long sapatim program long go het.

Gavman bilong tude i mas lukluk moa long givim sapat long helpim na daunim kain sik nogut olsem HIV AIDS long i noken go bikpela insait long kantri long bagarapim sindaun bilong ol manmeri.



Nogat man i save mekim pati insait long balus bipo. Tasol sampela smatpela niusman i brukim lek na mit bilong kakaruk na hamarim wantaim mu-mu kaukau insait long balus. Pailot i luksave na tokim ol, no problem with eating but make sure you take your scraps with you when leaving the plane. Nogat rong long kaikai, tasol karim pipia bilong yu go aut taim yu lusim balus.

Insait long dispela trip, sampela niusman i nogat wok bilong ol long dispela ron bilong ol niusman i go long Mendi na lalibu long las wik Fraide. Tripela niusman bai raitim nius bilong ol long wanem niuspepa o wanem redio na ol i kalap long balus ya? Plis dispela em piksa nogut tru long gutpela wok bilong ol niusmanmeri insait long kantri.

Sampela lain em ol hapman bilong sekim ol disko haus raun long nait. Maski ol i ken baim geit na i go sapos ol i no skin kirap long stail bilong dispela disko ples, ol bai go gen long narapela hap. Wanpela wanwok i mekim dispela kain stail long las wik. Em go insait long tripela disko ples na i no stap longpela taim. Samting olsem 10 minit na em tekov gen. Bikpela asua em, turangu kisim rong toksave olsem pati bilong ol poroman bilong em i stap long Sports Inn. Samting tru em long Players ya.

Gutpela long lukim wanpela memba bilong palamen i bekim ol komplem bilong pablik i save mekim long Wantok Niuspepa long wok na ilektoret bilong em. Dispela i soim olsem dispela lida i save ritim *Wantok Niuspepa* bikos ol pipel bilong em i save autim belhevi na wari bilong ol long dispela pepa.

Ples i wok long kol long Mosbi nau, na planti ol wokmanmeri i wok long painim hat long kirap long moning na i go long wok. Ol i slip hariap long nait, tasol ol painim hat yet long kirap long taim we ol i makim long en. Em orait. Bas i no save stop ron inap apinun, tasol i gutpela long go long wok long taim stret.

NRL sisen i stat gen na planti manmeri i amamas long stap long haus nau na lukim ol gem long televisen o harim long redio. Planti lukim namba wan gem bilong ol tim bilong tasol na ol i bilip olsem tim bilong ol bai i go long gren fainel.

Toktok long ragbi na tingim ol ragbi tim na resis long kantri tu. I gutpela long amamas long ol gem ovasis, bikos tru tumas ol dispela pilaia i save pilai gut tru, tasol sapatim gem long kantri tu. Givim liklik toea long i go lukim ol dispela gem o sikanim han bilong ol pilaia long mekim ol pilim olsem ol tu i gat nem na namba na kirapim skin bilong ol long pilai gut moa. Bikos PNG i mas kamap long mak we em i bin stap long en bipo olsem wanpela bilong ol namba wan kantri bilong pilai ragbi.

POSITION VACANT

Registered Nursing Officer

Ten Z Medical centre is looking for a Registered Nursing officer.

A God fearing, honest and self motivated person.
Has Midwife certificate.
Have management and leadership skills.
Prepared to work long hours.

Apply in writing to:

The Director
Ten Z Medical Centre
P.O. Box 1603.
BOROKO.

Hap Hap Nius

Pomio Forum

Wanpela forum o kibing i bin kamap long Pomio Distrik las wik we ol bikman bilong Nesenel Gavman na ol lida bilong distrik i bin bung na toktok na glasim ol wok developmen long distrik insait long las 30 krismas. Het tok bilong forum em "Krai long wok kamap bilong ol Pomio pipel". Ol asples pipel i bin tromoim ol tingting ol i gat long developim distrik bilong ol. Ol bin autim tu wari na hevi bilong ol long fanding we gavman i save givim long distrik tasol Pomio i no save kisim dispela. Tasol ol pipel i bin amamas tru bikos e mi namba wan taim, bikipela bung olsem i kamap long distrik bilong ol we ol pipel i autim ol tingting bilong ol.

Turisim

Wes Nu Briten Clement Nakmai na gavman bilong em gat bikipela bilip olsem wok turis em i bikipela samting long provins bilong em. Mista Nakmai i gat driman long mekim kamap turisim olsem wanpela long ol bikipela samting we gavman bilong em bai wok long en. Mista Nakmai i wokim dispela toktok bihain long ripot bilong PNG Turisim Promosen Atorit Sief Eksekutyu, Peter Vincent long Pot Mosbi olsem PNG i mas developim na promotim strong turisim indastri. Em bin tok TPA bai mekim aweanes i go aut long ol provins aninit long Provinsel Gavman. Em i laik ol rurel pipel long save moa long turisim.

Ol lida i toktok na raun long Buka

Veronica Hatutasi i raitim

WANPELA sinia gavman grup i stap nau long Bogenvil long toktok long ol samting i sut long namba wan ileksen bilong otonomi gavman provins bai gat long em long mun Jun.

Minista bilong Inta Gavman Rilesens Sir Peter Barter i go pas long dispela grup we i gat long en Minista bilong Pablik Sevis Sinai Brown na ol arapela sinia nesenel gavman opisa. Ol bin lusim Mosbi long Tunde long go long Buka we bung i kamap wantaim ol bikman bilong Bogenvil.

Sir Peter i tok dispela wokabaut i go long Bogenvil bai givm sans long ol bikman long lukim long ai bilong ol yet long ol samting i kamap long provins, moa yet, ol wok redi long namba wan jenerel ileksen bilong Otonomi Gavman bilong Bogenvil.

Sir Peter i tok dispela wokabaut na bung long Bogenvil i kamap bihain tasol long wokabaut bilong bikman long Yunaitet Nesens Valery Marusin husat i bin stap long Bogenvil las wik long glasim na skelim na redim

wanpela ripot i go long Yunaitet Nesens Sekyuriti Kaunsel long ol samting i kamap long Bogenvil. Na long redim ol plen long Yunaitet Nesens Obseva Misin (UNOMB) i lusim Bogenvil na PNG we bai kamap long Jun 30.

Sir Peter i tok bikos UNOMB bai lusim kantri long Jun 30, em i bikipela samting long save olsem ol wok redi long ileksen i wok long go het na bai kamap long taim ol i makim long en.

Bung bai kamap namel long Nesenel Gavman delegesen na Interim Join Supavaiseri Bodi(IJSB) long Bogenvil.

Sir Peter i tok tu olsem IJSB bai holim ol toktok sapos gavman bai askim ol intanesenel obseva bai go stap was long otonomi gavman ileksen long Bogenvil na sapos yes, wanem ogenaiesen tru ol bai askim ol long go. Na tu, ol lo samting we ol dispela intesenel obseva bai bihainim long en.

Sir Peter i tok em i redim pinis sampela ripot pepa long helpim IJSB long dispela bung na ol arapela samting moa.

Em i tok ol bai toktok tu long ples



• Ol lida i stap insait long toktok. FAIL FOTO

we bai hetkota bilong nupela Bogenvil gavman na tu, sapos balus bai padaun long Arawa.

Em bin tok tu olsem Bogenvil i mas kamapim strongpela wok mani we bai lukautim otonomi gavman na tu, kamapim gut laip na sindaun bilong ol pipel.

"Em i bikipela samting long wokim ol plen long restoren o stretim na kamapim gut ol samting we i bin bagarap long hevi na long developmen. Na taim ileksen bilong nupela Bogenvil gavman i laik kirap, mipela long Nesenel Gavman na ol Bogenvil lida i mas kamap," Sir Peter i tok.

NGI NA Pati redim ol 2007 Ileksen Plen

NESENEL Alaiens Pati bilong Niugini Ailans Rijen i makim John Tuka olsem Kodineta na Stephen Pokawin olsem Asisten Kodineta. Dispela em long wanpela bung bilong ol long Kokopo insait long Is Nu Briten provins.

Ol memba bilong NA long 5-pela provins long Niugini Ailans rijon olsem Bogenvil, Is na Wes Nu Briten, Manus na Nu Ailan i bin bung insait long tripela de long toktok long ol samting i karamapim ol na wok kamap han bilong pati long rijon i wokim.

Wanpela bikipela samting we ol bin kamap wantaim long dispela bung bilong ol em ol resolusen we bai stiaim ol long 2007

nesenel ileksen.

Ol ripot i tok planti long ol resolusen em ol i wokim bihain long ol i glasim gutpela kempein long Bogenvil na Is Nu Briten long 2002 Nesenel Ileksen we pati i bin gat ol wina tasol i no bin gutpela tumas long arapela tripela provins.

Ol resolusen we ol i bin kamapim na ol bai bihainim long kisim ol i go long 2007 ileksen em: NA Pati opis long NGI rijon i monitaim na go hetim ol plen bilong 2007 ileksen na helpim long kamapim ol gutpela kaikai, olgeta brens long rijon long bung bihain long konvensen long makim ol nupela komiti memba na tupela bikman long kodineta na deputi long go pas long ol miting.



Amamas Bilong Ol Yangpela...Pasin bilong amamas i save bikipela tru long ol yangpela pikinini. Ol dispela yangpela pikinini bilong Is Kos Nu Ailan i amamas tru long kisim piksa.

Dispela kain pasin tasol i save soim tru kala na strong bilong ol liklik pikinini as ples long Nu Ailan. FAIL FOTO



Chan wari long maunten paia ripot long ol ilektoret

...Laikim gavman long lukluk long dispela hevi

NESENEL Disasta na Imejensi Sevis (NDES) na Rabaul Volkenolojis i kisim strongpela singaut long mekim wok painimaut long wok bilong maunten paia insait long provins na tu, karimaut ol edukesen aweanes na ol pipel i ken save long mekim wanem samting long taim hevi i kamap.

Memba bilong Palamen bilong Namatanai, Byron Chan, i wokim singaut long dispela wik bihainim ol ripot olsem wok long maunten paia i kamap long Susurunga/Tanglamet Konstituensi.

Mista Chan i tok ol atoriti i mas noken ting ol dispela ripot em ol fiklik samting, nogat.

"Yumi noken ting olsem ol dispela ripot em ol samting nating.

Long wanem em laip bilong pipel i ken stap long birua na moa tu, ol lik-

lik allan olsem Lihir na Tanga. Olsem na gavman i mas wokim samting nau," Mista Chan i wokim dispela toktok i kam long Lihir Ailan.

Em i tok tu olsem ol pipel i stap na wok long Lihir Main na ol ples olsem Kunaiye na Putput i ken stap insait long hevi sapos ripot bilong maunten paia i tru.

Em i tok olgeta i mas putim was i stap na skulim ol ples lain long redim ol sapos birua i kamap.

Mista Chan i tok em i askim Lihir Main long helpim salim wanpela lain saveman long go kisim moa ripot long dispela samting.

Em i tok provinsel gavman i mekim samting long helpim ol pipel bilong Namatanai long sait bilong fanding na lojistiks olsem trenspot na ol arapela samting long helpim ol i lusim ples sapos situesen i bagarap.

Mani bilong Manam i no go stret

MOA long 10,000 pipel bilong Manam Aitan we ol i kisim bikpela bagarap long maunten paia nau i stap long 4-pela kea senta long Bogia i nogat kaikai stat long las Trinde long wanem Provinsel Disasta Opis i nogat mani long peim kaikai bilong ol.

Mani mak olsem K2,721,733 ol basetim bilong karimaut helpim i go long ol pipel bilong Manam tasol Provinsel Disasta i tromoi pinis mani mak olsem K250,488 antap long baset bilong ol. Mani mak olsem K1 milien kina sek i sindaun i stap long opis bilong Nesenei Disasta Opis long Pot Mosbi we Treseri Dipatmen i no inap givim ol long wanem bipo gavman i bin givim mani mak olsem K1 milien kina i go long provinsel disasta opis we ol i no soim gutpela pepawok long hamas ol i yusim pinis.

Provinsel Disasta komiti i tokim Pablik Akauns Komiti (PAC) olsem mani mak olsem K2,721,733 em mani i kam insait long karimaut wok na mani we mipela i yusim i sanap olsem K2972,000. Ol PAC memba i painimaut tu olsem Provinsel Disasta Opis i yusim bikpela mani abrusim baset bilong ol na i nogat gutpela wok long soim rekot bilong mani ol i bin yusim pinis.

Ol Pablik Akauns Komiti (PAC) i no amamas long wanem Provinsel Disasta Komiti i no karimaut gut wok bilong ol na i soim pasin paol long sait bilong mani na ol samting i stap insait long wok bilong ol long helpim ol Manam pipel.

PAC i painimaut tu olsem ol kaikai na ol arapela samting we ol i yusim long kisim dinau, mani mak i sanap olsem K3.2 milien kina. Ol i painimaut tu

olsem ol bensin ol i kisim long wanpela kampani Sea Breeze Pty Ltd i sanap olsem K337,432.00 taim InterOil kampani i givim ol kwotesin long K78,621 na BP PNG i givim ol K27,2110. Long sait bilong kaikai Trukai Rais i givim ol K33 long wanpela 20kg beil tasol ol i peim long Martin Tsang long K41 long wanpela 20kg beil.

Long dispela kain paul pasin we ol i no kisim ol kwotesin long ol kampani long peim ol samting long liklik mani we ol i no bihainim lo bilong Gavman long karimaut wok bilong ol. Ol dispela pablik seven i no wokim gut wok bilong ol na ol i no fit long bringim ol sevis i go long ol pipel, Siaman bilong PAC John Hickey i tokim dispela miting bilong wok painimaut.

- Michael Novingu

Hap Hap Nius

Haiwe Sapot

Katik Maprik rot long Is Sepik provins i gat wanpela bikpela kontrak long stretim na putim kolta long en. Minista bilong Woks na memba bilong Maprik Gabriel Kapris i sainim dispela kontrak wantaim gavman bilong Australia aninit long AusAID program bilong ol long stretim.

Luteran Sinod bai kamap long Wasu Hai Skul

BIKPELA Sinod bilong Luteran Sios insait long Papua Niugini bai kamap long Kabwum long Wasu Hai Skul long neks yia 2006.

Het Bisop bilong ELC-PNG Reveren Dokta Wesley Kigasung i mekim dispela tok klia bihain long i gat planti toktok i wok long i go i kam namel long ol pipel bilong Kabwum insait long Morobe provins long hap bilong holim Sinod long en.

Bisop Kigasung i tok klia olsem dispela disisen bilong holim Sinod long Wasu hai skul i bin kamap pinis long sios kaunsel miting long Ukata Distrik pinis na ol i pasim pinis. Bihainim dispela tok klia na wanbel, het masta bilong Wasu Hai Skul i kisim toksave na i tok skul i sambai pinis long lukautim dispela Sinod. Bai ol i redim ol klasrum na haus slip na hap bilong stretim kaikai na tu redim banis bilong skul i stap redi long dispela bikpela bung bilong Luteran sios.

Bisop Kigasung i mekim dispela toksave long mekim klia na stopim ol toktok we ol pipel na ol lidaman yet i wok long tromoi i go i kam long ol yet.

Gavman bilong Morobe hatim ol PMV bas

GAVANA bilong Morobe Luther Wenge na Ekting Edministreta bilong provins Manasupe Zurenuoc i tok strong long ol PMV bas sevis insait long Lae siti long mekim gut wok bilong sevim pablik na tu bihainim gut Lo bilong ol ka na PMV sevis.

Dispela bikpela tok-save i kamap bihain long ol PMV bas i holim wanpela bikpela straik long Lae siti long las wik we i lukim planti manmeri i kisim taim long go long wok na tu ol skul pikinini i kisim hat taim long go long skul.

Mista Zurenuoc i tokaut long toksave bilong em i go long pablik olsem sampela PMV bas na ol papa bilong bas i wok long sakim tok na brukim Lo. Ol i no harim tok taim polis na trenspot i sasim ol long ol sampela asua olsem smut taia, laisens i pinis, ol lait i no wok gut na arapela samting we i no stret long PMV bas. Tasol ol i save hait na go het yet long ranim PMV sevis.

Mista Zurenuoc i tok dispela i no stret bikos ol i holim ol dispela draiva na bas samting olsem 5-pela taim olge-

ta long wankain asua tasol we ol i no stretim yet.

Em i tok dispela i soim klia olsem ol bas i sakim tok bilong Lo na laik mekim samting long laik bilong ol yet. Olsem na atoriti i mas sanap strong long strongim Lo na lukim olsem olgeta PMV bas i wok aninit long Lo.

Em i tok tu olsem sampela pasin ol PMV bas i save mekim i no save stret tru long ol meri na ol pikinini olsem na atoriti bai i no inap larim ol bikhet na trabel pasin i bungim ol mama na pikinini long ol bas sevis insait long siti.

Em i tok ol i luksave pinis long husat ol papa bilong PMV i bin go pas long kamapim straik long Lae las wik na ol bai mekimsave long ol dispela lain.

Mista Wenge i sanap strong tu wantaim dispela toktok na givim tok lukaut long ol PMV i mas bihainim Lo na ranim gut bas sevis long siti bikos Morobe Provinsel Gavman i gat plen pinis long stretim gut trenspot sevis insait long Lae siti.

Lukim toksave long pes 11.

COURTS EASTER Extravaganza!

FREE GIFT
Kisim wanpela set Amazon keten

DIPOSIT K1.00

SEIVIM K174

FOTNAIT K17

KES LONG NAU K325

MONTANA #SC9023
Divali Kef Tebol
Strangpela dival tebol Mahogany vanis.
Dinau Prais K375 Bipo Kes K499

ITALY #LH0033
3+1+1
LOUNGS SWIT
3 sita + 2 hani sid wantaim chrome lek.
*Inisat long tupela kala.
Dinau Prais K2,299

FOTNAIT K82

KES LONG NAU K1,999

DIPOSIT K1.00

SEIVIM K40

GOOD #GAL20 #592029
TV & VCR Kabet
Strangpela bikpela bakis kabet.
Dinau Prais K128 Bipo Kes K199

FREE GIFT
Chinawane 16 Pcs Dina Set

SEIVIM K350

DIPOSIT K1.00

FOTNAIT K11

KES LONG NAU K159

BRANCO #DM0081
Displei Said Bod
Planti kabot bilong putim ol samting
Dinau Prais K1,095 Bipo Kes K1,299

FOTNAIT K41

KES LONG NAU K949

DIPOSIT K1.00

SEIVIM K50

TEBBIE #MB0003
Liklik Buk Self
Strangpela drwab, Mahogany vanis.
Dinau Prais K389 Bipo Kes K499

SANS Tripela Entri Tiket long displea Mun Mas wantaim olgeta K50.00

Ino Driman! Wantaim Tripela Entri Tiket, you gat **MOA Sans!** Winim Courts Goldrush na Kamapim Stret Driman Bilong Yu!

GOLD RUSH
Live your dream!

COURTS
Edim valu **OLGETA** dei!

First for Furniture
FIRST FOR FURNITURE... FIRST FOR YOU!

COURTS - GORDONS
Sprin Katen Rot, Gordons, Pot Mosbi
Fon: 302 5826 • Feks: 325 4149 • E-mel: seils@courts.com.pg

COURTS - LAE
Milfordhaven Rot, Lae, Morobe Provins
Fon: 472 4800 • Feks: 472 4621 • E-mel: courts_lae@courts.com.pg

DR0 - Satadei 02rd APRIL, 2005

CIA-079/05

Hap Hap Nius

Wara Sot

Planti haus sik long ol distrik bilong Sauten Hailans provins i mas gat gupela wara saplai. Dispela em tok-tok bilong Siaman bilong Mendi Jenerel Haus Sik i go long Gavana bilong Sauten Hailans provins Hami Yawari. Wankain tu ol distrik haus sik i gat hevi long ambulens na haus slip bilong ol wokmanmeri bilong haus sik. Wankain tu Mendi haus sik yet i mas gat ekstra ka bilong karim ol wokmanmeri i go aut long ol distrik long mekim wok long sekim ol distrik haus sik.

Stopim Sevis

Gavman sevis i noken go long ol pipel husat i save bagarapim ol samting bilong gavman we i stap pinis long helpim ol. Dispela em toktok bilong wanpela kaunsela bilong Westen Hailans provins. Thomas Wama i mekim dispela toktok taim ol i opim dabol klasrum long Komkui Praimeri skul long Hagen las wik. Mista Wama i tok planti sevis bilong gavman na sios i save givim long pipel em ol pipel husat i save yusim na kisim helpim long em yet i save tanim na bagarapim ol gen. Em wanem kain pasin tru long bagarapim samting we i save helpim yumi na ol pikinini bilong yumi. Olsem na ol memba na gavman na sios i no ken wokim wanpela haus sik, skul, wara saplai na ol arapela kain sevis long amamasim ol.

Toksave

Gavana bilong Sauten Hailans provins, Hami Yawari, i bin lukautim ron bilong ripota husat i bin raun wantaim em i go long Sauten Hailans provins long lukim ol wok bilong em na kisim ol stori.

Yawari strongim Mendi

Yakam Kelo i raitim

GAVANA bilong Sauten Hailans provins Hami Yawari i givim K40,000 long strongim polis wok insait long provins na tu givim K150,000 long Mendi haus sik long sapotim na strongim ol wokmanmeri bilong haus sik long mekim gut wok bilong ol.

Las Fraide Mista Yawari i tokim ol polisman long Mendi olsem wok bilong lo na oda long provins em bikpela tingting bilong em long kamapim gupela sindaun na amamas insait long provins.

Mista Yawari i tok em i salim pinis ol polisman i go kisim trening long Lae na taim ol i pinis na kam bek bai ol i sanapim polis het kota bilong Sauten Hailans provins long Tari na strongim ol patrol na polis wok long provins.

Em i tok lo na oda tu em bikpela wok bilong gavman bilong em long strongim wankain olsem edukesen na helt.

Long Mendi haus sik, Mista Yawari i tok em i laik lukim ol speselis o ol dokta bilong wan wan seksen bilong sik i kam wok long Mendi haus sik. Taim ol dispela kain dokta i kam bai ol i pulim moa eksperiens dokta insait long kantri long go wok long Sauten Hailans provins. Olsem na long dispela as em i tokim bos bilong Mendi haus sik long go lukim provinsel edministreta na kisim K150,000 bilong apim liklik pei i go antap long pei bilong ol wokmanmeri nau.

Em i tok ol masin bilong haus sik tu bai ol i mas lukluk long en na stretim bai ol i noken salim ol sikmanmeri i go long Hagen o Kunjip bikos ol masin bilong katim man o mekim wok i nogat.

Mista Yawari i tok em i laik lukim ol dokta na nes long Mendi haus sik i mas raun i go long ol arapela haus sik na klinik long ol distrik insait long Sauten

Hailans provins. Olsem na em i mas stretim wari bilong ol bai ol i ken amamas long wok na i go sevim ol pipel tu long ol distrik haus sik.

Em i tok em i klia haus sik wantaim ol wokmanmeri i gat planti wari olsem na ol i mas kam lukim em na ol i ken toktok na lukluk insait na painim rot long stretim.

Em i bin opim tu banis projek em bin putim mani long kamapim.

Dispela banis i raunim haus sik olgeta na i kos olsem K300,000 we ol i pinisim na Mista Yawari i opim long las Fraide.

Em i putim kolta tu long rot i go long haus na tok bai em i lukluk long putim kolta long Mendi taun rot.



• Ol mama long lalibu taun i singsing na paitim kundu long pulim Mista Yawari wantaim deligesen bilong em i kam. Foto: YAKAM KELO

Enga Porgera rot i gat kot

TOKTOK bilong Wabag na Porgera rot i bagarap em wanpela hevi we i stap pinis long han bilong Nesenel Kot long 2001 yet. Dispela em toktok bilong wanpela mausman bilong Tuenda klen Mis Kamberan Ambi Kiup bilong Porgera eria long Enga provins.



• Ambi.

Mista Ambi Kiup i tok Enga Gavana Peter Ipatas i mas toktok gut wantaim Polisi na Plening opis long Enga provins long mekim tok klia bilong ol long dispela hevi i go long Nesenel Eksekutiv Kaunsel (NEC) long luksave na oraitim. Taim ol i oraitim ol i ken salim dispela tok orait i go long Sief Jastis Sir Mari Kapi long skelim wantaim dispela kot nau i stap yet long dispela toktok bilong dispela rot.

Mista Ambi Kiup i tok insait long dispela kot ol asples i bin kamapim ol

i sanapim Nesenel Gavman, Enga Provinsel Gavman na Placer kampani long stap insait long dispela kot.

Em i tok ol toktok Mista Ipatas i mekim long Palamen olsem dispela Wabag Porgera rot i bagarap em nau tasol toktok i kamap. Ol samting i leit na ol politiks toktok tu i kamap nabaut tasol rot i bagarap i stap.

Mista Ambi Kiup i tok Mista Ipatas i noken toktok tumas long bagarap bilong dispela rot bikos hevi bilong dispela kot i stap yet

olsem na Mista Ipatas i mas kisim tok klia long Nesenel Kot pastaim na toktok long dispela samting na noken toktok nating long pablik long amamasim ol nating.

Mista Ambi Kiup i mekim dispela toktok bihain long Mista Ipatas i tokaut long palamen olsem Enga Porgera rot i bagarap pinis na i nogat gupela wok stretim i kamap long en.

Em i askim Minista bilong Woks Gabriel Kapris sapos opis bilong em bai lukluk long dispela.

Mista Ipatas i tok dispela rot i kos K30 milien we Gavman bilong Australia i mekim. Nau dispela rot i bagarap olgeta na i no gupela long ol ka i ron na tu inap kamapim birua na bagarap long laip bilong ol pipel bilong dispela hap.

Mista Ipatas i tok sapos gavman i no laik

stretim dispela rot o mekim wanpela samting long en orait ol i mas pasim bikos dispela rot inap kamapim bagarap long laip bilong ol na tu long ron bilong ol ka i go i kam long Porgera.

Minista bilong Woks Gabriel Kapris i tok dispela rot i bin nogat gupela wok supavaisa i kamap long en. I bin gat wanpela supavaisa we i save mekim wok na salim ripot i go bek long Mosbi long het kota tasol na ol Provinsal Woks Menesa bilong provins i no save stap klostu o wok bung wantaim em.

Mista Kapris i tok dispela rot i no kamap gut bikos i nogat gupela plening taim ol wokman i wokim dispela rot.

Olsem na em i lukluk long yusim arapela rot olsem Kredit Fesiliti Skim long lukluk insait long dispela hevi bilong dispela rot.

Ol Ialibu pipel kisim K200,000

SAUTEN Hailans Gavana Hami Yawari i givim K200,000 olsem kompensesen mani i go long ol pipel bilong lalibu long Sauten Hailans provins long larim Kisenepoi lalibu rot projek i go het.

Samting olsem 11-pela klen i bin kamap long kisim dispela kompensesen mani bilong ol we ol kaunsel na lida bilong ol i kisim bilong tilim long ol. Sampela i kisim olsem K10,000 na K20,000.

Mista Yawari i tokim ol pipel olsem em i no laik westim taim long larim dispela hevi i stap longpela taim. Ol pipel bilong dispela hap i kros na stopim dispela rot bikos long kompensesen we ol i tok graun na ol samting bilong ol i bin bagarap taim dispela rot projek i kamap.

Mista Yawari i tok wanem kain singaut long peimen bilong wanpela karuka o diwai kaikai i bagarap, ol i mas toktok wantaim kiap long stretim long pepa na noken pasim wok long mekim dispela rot.


Em i tok dispela rot em bikpela samting tru bilong givim sevis long ol pipel bilong ples long karim kaikai na ol samting i go long taun long maket na tu ol gavman sevis i ken kam long ples long dispela rot tasol. Olsem na ol pipel i mas larim dispela rot i op na pinis gut.

Ol kaunsel i amamas tru long kisim dispela kompensesen mani long tilim long ol pipel bilong ol na planti i tokaut olsem ol i no inap pasim dispela rot projek. Ol i tok em i namba wan taim tru ol i holim dispela kain kompensesen mani long han bilong ol na ol i gat bikpela amamas tru long Mista Yawari.



NOKEN BAGARAPIM OL PIKININI!

WANTOK i go pas long dispela kempen



Emi rait bilong pikinini long stap insait long klin na gupela haus.



Na emi wok bilong ol long lukautim gut haus.

Bot kapsait na 5-pela dai

5-PELA manmeri, tupela bilong ol ol bebi, i bin dai bihain long spit bot ol i wok long ron long en i bin kapsait long ol bikpela solwara long Galp provins las Tunde nait.

Ol manmeri i painim ol dai bodi bilong ol dispela tupela bebi wantaim papamama bilong ol pinis na i putim ol long mog o haus long haus sik we ol i save putim ol bodi bilong ol man i dai pinis long Kerema Haus Sik. Ol i wok long painim yet bodi bilong dispela narapela man husat i bin kisim bagarap long dispela birua.

Ol dispela husat i bin dai i bin stap insait long dispela bot wantaim 13 arapela manmeri husat i wok long ron long Mosbi i go long Kerema.

Bot i bin stop long Malalaua na i bin skruim ron

bilong en gen i go long Kerema taim dispela birua i bin kamap.

Ekting Edministrela bilong Galp provins, Chris Haro, i tok las Trinde nait olsem operata o man husat i wok long ronim dispela bot i no bin laik harim ol toksave olsem bikpela raunwin we i wok long kamap long Coral Sea i wok long karim ol bikpela ren na strongpela win i go long ol ples i stap klostu long solwara long Papua.

"Mipela i bin toksave long ol manmeri long hap bilong mipela long noken raun long solwara long dispela taim, na ol atoriti long Mosbi i bin mekim wankain, tasol ol dispela lain i no bin harim tok.

"Ol ripot mipela i bin kisim i tok olsem ol narapela opereta i bin tokim opereta bilong dispela bot we

bin kisim birua long noken ron long dispela taim, tasol em i no harim tok," Mista Haro i tok.

Ol polis ripot long Kerema i tok olsem wanpela polis opisa i wok long wok long dispela nait i tok namba mak bilong ol manmeri long bot i antap tru na ti i bin gat wanpela 44 galon dram pulap wantaim bensen o zoom.

"Ol i bin kapsait klostu long Pariva Nambis. Ol i bin stap klostu long graun tasol ol i no bin save," dispela polis opisa i tok.

Em i tok 7-pela bilong ol i bin swim i go long nambis.

"Long wanem mipela i harim ol i wok long dring bia taim ol i wok long ron long bot," dispela polisman i tok.

Hap Hap Nius

Helpim

HOPE Worldwide (PNG) i givim 8-pela kompyuta i go long larowari Hai Skul long Sentral provins. Ol wokmanmeri na sumatin long dispela skul klostu long Sogeri Nesenel Hai Skul ausait long Mosbi, i bin amamas tru long dispela givim.

Polis Bagarap

Ol raskol i bin bruk i go insait long Kerema Polis Stesen long Galp provins las wik na stilim ol samting we ol polis na loya i save yusim long kot olsem evidens. Sampela bilong ol samting ol i stilim em wanpela masin bilong kisim pingamak bilong ol manmeri, 73 disket bilong kompyuta, na ol samting long yusim olsem evidens long kot, namel long ol tupela kaset pilata na tripela vidio tep.

Graun Kros

Wanpela klen long Noten provins i wok long tingting lon kisim kompensesen long Nesenel Gavman long graun we Oro Be i sindaun long en. Klen husat i save kolim ol yet Naseka-Jim-boro klen, i tok olsem Stet i bin wanbel long peim kompensesen taim em i bin kisim graun, 30 yia i go pinis, tasol nogat wanpela peimen i bin go long ol. Ol i tok olsem Stet i gat dinau long ol long tripela hap graun: Oro Be bris, graun bilong Anglikan Sios long Eroro na rot long Ngemamo i go long Ore Be.

Noken kirapim pait - Oro polis

POLIS long Noten provins (Oro) i wari long sampela ol toktok sampela ol manmeri i wok long mekim we i bagarapim ol manmeri bilong Hailans.

Las wik ol polis i bin rausim ol pablik toksave long Popondetta taun we sampela ol manmeri i bin putim long ol notis bod na ol sait wol bilong ol stua we i wok long singaut long rausim ol manmeri bilong Hailans long provins.

Provinsel Polis Komanda, Teddy Tei, i tok ol manmeri bilong Oro mas noken sutim tok long ol manmeri bilong Hailans long olgeta ol hevi we i wok long kamap long provins.

Mista Tei i tok ol polis i no inap givim sans long ol manmeri husat i wok long kamapim ol giaman toktok long kirapim ol pait.

"Ol toksave i bin tok stret olsem ol manmeri husat i stap long provins i wok long bagarapim sindaun bilong ol manmeri bilong Oro.

"Mi lukim dispela ol toksave olsem ol i bilong kirapim hevi na birua tasol.

"Sapos dispela ol lain husat i bin raitim ol dispela toksave i pilim olsem ol i no sindaun gut, i gat we long stretim ol dispela behevi bilong ol.

"Mi bilong Hailans, tasol nau yet, mi provinsel polis komanda na bai mi wok long ol manmeri bilong Oro, na i no inap wansait nabaut," em i tok.

Em i tok em i no amamas long lukim ol dispela toksave we i tok olsem ol manmeri bilong Hailans i wok long kam insait long provins olgeta wik na karim wantaim ol ol hevi.

Hap toktok we i stap insait long wanpela bilong ol toksave i rit olsem: Ol manmeri bilong Hailans i wok long pretim, paitim na kilim ol manmeri na stil.


"Ol i bagarapim Mosbi, Madang na Lae na sapos ol manmeri bilong Oro i no redi long stopim ol dispela bikpela namba mak bilong ol manmeri bilong Hailans husat i wok long kam long Popondetta na Oro provins olgeta wik nau, dispela provins bai bagarap tu.

"Oro i bilong ol manmeri bilong Oro, i no bilong ol manmeri bilong Hailans."




Pasin Tumbuna...Ol yangpela meri bilong Milen Be provins i bilas gut na redi long samsam long wanpela bikpela de. Foto: PNGBD.COM


NOW TRAVELLING TO...



LAE

Call in tomorrow and discover a whole new world of driving at...





ON SHOW IN LAE TOMORROW

For More Information Contact: Ph 4781800 Glenn Wilson - Branch Manager or Tokana Hasavi - General Sales Manager

Ol sumatin bai go skul long Japan Hat long tokaut stret long bikpela nius

Maisan Pahun i raitim

GAVMAN bilong Japan aninit long Japanese International Coperation Agency (JICA) i sponsaim 5-pela sumatin bilong

Papua Niugini long go skul long Japan. Long wanpela bung long Mosbi opis bilong Japan i stap long Mosbi i kamapim wanpela bung long tokaut long nem bilong dispela 5-pela sumatin we

bai go long Japan long neks mun na wanpela bai go long Japan long Oktoba long mun i kam. Insait long ol dispela sumatin we bai go long Japan bai i gat wanpela meri tasol we bai i go long Oktoba dispela yia.



• Ol 5-pela sumatin bilong Papua Niugini husat bai i go surikim skul bilong ol long ol yunivesiti long Japan. Foto: MAISAN PAHUN

Inderlyn Oli bai go wokim rises stadis bilong em bihain long wanpela yia na ol narapela 4-pela lain bai go long neks mun.

Kolen Koiye, Varigini Baivalida, Rodney Itaki na David bai go long neks mun long Japan.

Wanwan sumatin bai go long narapela yunivesiti long Japan na taim ol i stap long Japan bai ol i mekim narakain kos long lainim ol yet.

Olpela embesada bilong PNG i go stap long Japan Sir Joseph Nombri i tokaut olsem Gavman bilong Japan i save helpim gut ol yangpela manmeri bilong go skul long Japan.

"Planti yangpela manmeri i save go skul long Japan na bihain kam bek long developim Papua Niugini.

"Olsem na yupela ol yangpela i mas wok hat taim yupela i kisim kain sans na tu ol narapela ol kantri manmeri i mas traim long kisim wanem sevis gavman bilong Japan i save givim long yumi," Sir Joseph Nombri i tok.

Japan i save helpim PNG long kainkain we na i gat planti ol projek we ol han bilong em olsem Embesi bilong Japan na JICA i save kamapim long ol wanwan hap bilong dispela kantri.

Hat long tokaut stret long bikpela nius

Andrew Molen i raitim

OL MIDIA o ol lain husat i save wok long sait bilong kisim nius i go long ol pipel i save painim hat long toktok o tokaut long sampela samting we i tambu long kastom na pasin bilong Papua Niugini.

Dispela em wanpela toktok we wanpela sinia ripota bilong Wantok Niuspepa Veronica Hatutasi i mekim las wik taim em i kamap long FM-100 tok bek so.

Long dispela so ol narapela meri husat i makim wanwan grup bilong ol mama na ol meri i kamap long toktok long ol samting we i save kamap long ol na wanem samting dispela ol pasin i save mekim long laip bilong ol.

Dispela bung bilong ol i makim tu Wol Intanesenel De bilong ol meri.

Misis Hatutasi i tok kain ol samting olsem HIV AIDS na ol paul pasin we i

save kamap namel long ol manmeri na ol narapela bikhet pasin we i save kamap long ol meri em i no wanpela isi samting bilong ol midia long ripot long en.

"Long midia mipela i save painim hat tu long tokaut long sampela samting bilong wanem nogut sampela samting mipela i raitim o tok bai i no stret long sampela kastom na pasin bilong yumi long PNG.

"Long dispela mipela i save traim long stori long dispela ol samting long arapela rot we mipela i lukim olsem mipela inap na we mipela i lukim i stret long en," Misis Hatutasi i tok.

Em i tok tu olsem wok bilong midia em long tokim ol manmeri long wanem samting i wok long kamap long ples ol i stap na tu insait long Papua Niugini na ol i save traim long kisim dispela ol infomesen o nius i go long ol pipel long olgeta hap.

Hevi long boda bilong PNG na Indonesia

Ol pipel husat i save stap long boda bilong Papua Niugini na Indonesia i wok long bungim bikpela hevi long ol raskol pasin raunim ol, Memba bilong Vanimo Green, Phillip Inou i bin tok.

Em i tok sampela bilong ol dispela hevi em ol manmeri i wok long i go kam long boda nating nating - i no bihainim lo stret, haitim drag na gan na karim i go kam na salim na baim, na dring spak na bikhet.

Mista Inou i askim Minista bilong Foren Afeas, Sir Rabbie Namaliu, long Palamen, long wanem rot tru inap ol pipel bilong em kisim ol gutpela samting long ol wanbel wantaim PNG na Indonesia.

Sir Rabbie i tok olsem em bai toktok long dispela wantaim ol narapela lida long ol toktok wantaim ol tupela kantri.

Lotto Limited i amamas long kamapim

4 moa isi wei long winim dispela jackpot we i go ova pinis long K170, 000.

INTERNET:
lottopng@datac.com.pg

TELEPHONE:
325 1808 / 1801801

FACSIMILE:
325 7007

MAIL:
P.O. Box 1544, POM

Winnings	1	2	3	4	5	6	7	8	9	10	11	12	13	14	15	16	17	18	19	20	21	22	23	24	25	26	27	28	29	30	31	32	33	34	35	36	37	38	39	40	41	42	43	44	45	46	47	48	49	50
1	2	3	4	5	6	7	8	9	10	11	12	13	14	15	16	17	18	19	20	21	22	23	24	25	26	27	28	29	30	31	32	33	34	35	36	37	38	39	40	41	42	43	44	45	46	47	48	49	50	

TYPE OF GAME YOU WISH TO PLAY	STANDARD GAME (MARK 6 NUMBERS)	SYSTEM FIVE (MARK 5 NUMBERS)	SYSTEM SEVEN (MARK 7 NUMBERS)	SYSTEM EIGHT (MARK 8 NUMBERS)	SYSTEM NINE (MARK 9 NUMBERS)	SYSTEM TEN (MARK 10 NUMBERS)	SYSTEM ELEVEN (MARK 11 NUMBERS)	SYSTEM TWELVE (MARK 12 NUMBERS)
ONE GAME	<input type="checkbox"/> K20.00	<input type="checkbox"/> K3.50	<input type="checkbox"/> K14.00	<input type="checkbox"/> K42.00	<input type="checkbox"/> K105.00	<input type="checkbox"/> K231.00	<input type="checkbox"/> K462.00	<input type="checkbox"/> K924.00
TWO GAMES	<input type="checkbox"/> K40.00	<input type="checkbox"/> K7.00	<input type="checkbox"/> K28.00	<input type="checkbox"/> K84.00	<input type="checkbox"/> K210.00	<input type="checkbox"/> K462.00	<input type="checkbox"/> K924.00	<input type="checkbox"/> K1848.00
THREE GAMES	<input type="checkbox"/> K60.00	<input type="checkbox"/> K10.50	<input type="checkbox"/> K42.00	<input type="checkbox"/> K126.00	<input type="checkbox"/> K315.00	<input type="checkbox"/> K693.00	<input type="checkbox"/> K1386.00	<input type="checkbox"/> K2772.00
FOUR GAMES	<input type="checkbox"/> K80.00	<input type="checkbox"/> K14.00	<input type="checkbox"/> K56.00	<input type="checkbox"/> K168.00	<input type="checkbox"/> K420.00	<input type="checkbox"/> K874.00	<input type="checkbox"/> K1748.00	<input type="checkbox"/> K3496.00
FIVE GAMES	<input type="checkbox"/> K100.00	<input type="checkbox"/> K17.50	<input type="checkbox"/> K70.00	<input type="checkbox"/> K210.00	<input type="checkbox"/> K525.00	<input type="checkbox"/> K1050.00	<input type="checkbox"/> K2100.00	<input type="checkbox"/> K4200.00
SIX GAMES	<input type="checkbox"/> K120.00	<input type="checkbox"/> K21.00	<input type="checkbox"/> K84.00	<input type="checkbox"/> K252.00	<input type="checkbox"/> K630.00	<input type="checkbox"/> K1260.00	<input type="checkbox"/> K2520.00	<input type="checkbox"/> K5040.00
SEVEN GAMES	<input type="checkbox"/> K140.00	<input type="checkbox"/> K24.50	<input type="checkbox"/> K98.00	<input type="checkbox"/> K294.00	<input type="checkbox"/> K735.00	<input type="checkbox"/> K1470.00	<input type="checkbox"/> K2940.00	<input type="checkbox"/> K5880.00
EIGHT GAMES	<input type="checkbox"/> K160.00	<input type="checkbox"/> K28.00	<input type="checkbox"/> K112.00	<input type="checkbox"/> K336.00	<input type="checkbox"/> K840.00	<input type="checkbox"/> K1680.00	<input type="checkbox"/> K3360.00	<input type="checkbox"/> K6720.00

I have deposited / now enclosed money order K _____ BSP

Bank on _____ (date) payable to The Lotto Limited

Name: _____ Signature: _____

Address: _____ Date: _____

Tel No.: _____ Fax No.: _____

Keep this for future entry

(INSERT TABLE and DATAS)

CATHOLIC RADIO 103.5 FM

Table of radio program schedules with columns for time and program name, including sections like 'Meditation', 'Misa', and 'Sando'.

ELC-PNG Hailans rijon bung kamap long Goroka

James Kila i raitim

EVANJELIKEL Luteran Sios bilong PNG (ELC-PNG) long Hailans rijon i bin lukim wanpela bikpela kibung bilong ol seket presiden insait long wanpela wok-sop long Goroka long las wik long redim ol yet long bikpela sinod bung bilong sios neks yia an tu bungim ol salens i kamap insait long wok bilong ol na tu strongim kristen bilip bilong ol.

Dispela wok-sop we i bin kamap long Goroka Luteran Konferens Senta long not-Goroka i lukim 14 seket presiden bilong ELC-PNG i bung. Woksop i bin stat las wik Mande na pinis long Fraide we i lukim olpela sief jastis bilong kantri Sir Arnold Amet i givim setifiket i go long ol dispela lain seket presiden husat i bin bung long dispela wok-sop.

Sir Arnold i bin stap long givim toktok na skul long ol dispela lain seket presiden long Fonde aninit long bikpela het-tok bilong "Gud Gavanens".

Kodineta bilong wok-sop Reverend Kinim Siloi husat i bin go antap long Ampo long ronim dispela wok-sop i mekim bikpela tok amamas long Sir Arnold long

givim taim bilong em long go stap wantaim ol dispela sios lida long wok-sop.

Dispela wok-sop long Goroka i lukim ol seket presiden bilong Hailans i sindaun na skul long 4-pela bikpela het-tok we bai i stiarim wokabaut bilong ol insait long wok bilong sios long wan wan seket bilong ol.

Ol dispela het-tok em: Ripot raiting, Lidasip, Gud Gavanens, Wokabaut bilong Sios na Rinial na Dailog.

Reverend Kinim i tok dispela wok-sop long Goroka em nambawan wok-sop tru long dispela yia em ELC-PNG i kamapim tasol ol bai gat ol narapela bai kamap long nambis eria long Bundun long Mumeng distrik sampela taim long dispela yia.

Insait long toktok bilong Het Bisop bijlong ELC-PNG, Dokta Wesley Kigasung em i strongim toktok i go long olgea seket presiden long wokabaut insait long lait bilong gutnius.

Bisop Kigasung i autim strongpela tok tu long olgeta wokman na meri bilong sios long stap wanbel wantaim long wok bilong sios bihainim pasin bilong transfomesin o senis, rekonsiliesin o sekan na kamapim

bel gut pasin na empawamen o givim strong long karimaut wok.

Em i tok tu olsem em i amamas long stap wantaim ol dispela seket presiden long dispela wok-sop we i soim dispela em i stat bilong nupela wok em i pas wantaim lait bilong bikpela Jisas Kraus na Holi Spirit.

"Dispela pepa o setifiket yupela i kisim i olsem toksave bilong yupel olsem yupela i statim pinis nupela wokabaut insait long wok bilong sios na dispela bai kirapim bel na tingting bilong yupela long moa gut-pela wok wantaim bilong Bikpela," Bisop Kigasung i tok.

Ol seket presiden husat i bin stap long dispela bung i givim bikpela tok amamas long ELC-PNG hetkwata long Ampo long kamapim dispela kain wok-sop.

"Dispela bung em wanpela bikpela blessing tru long mipela ol seket presiden," Paul Kundiye bilong Haismo seket long Hagen distrik i tok. Dispela bung i lukim tu nambawan taim tru ol planti het bilong ol dipatmen bilong ELC-PNG long Ampo i bin kam lukim mipela na save long mipela wan wan long dispela bung," Kundiye i tok.

AusAID na Yuropien Yunien sapatim Bogenvil Maikro Fainens

Veronica Hatutasi i raitim

OL PIPEL bilong Bogenvil i wok long kisim gutpela helpim long Maikro Fainens Skim. Dispela em dinau mani skim we ol pipel bilong Bogenvil yet i bin statim long yia 1996.

AusAID na bihain, Yuropien Yunien i bin lukim olsem skim i wok gut na ol bin stat long givim sapat wantaim fanding moa long 5-pela yia i go pinis.

Dispela skim i narakain bikos em i sut long o givim bikpela lukluk long helpim ol ples lain na komyniti long Bogenvil.

Opis bilong AusAID i tok Maikro Fainens Skim long Bogenvil i helpim long promotim seif rilaiens o pasin bilong helpim ol yet na i no askim long ausait helpim olgeta taim.

Long dispela rot, opis i tok, em i helpim komyniti long kamap independen long sait bilong gat mani na lukautim ol yet. Insait long 6-pela yia we i karamapim namba wan na namba tu hap long ol wok



Skim bai helpim ol mama olsem. FAIL POTO

bilong kirapim skim, AusAID i tromoim samting olsem K9 milien.

Dispela mani na helpim we AusAID i givim em long helpim

wantaim teknikel sait, trening long kantri na ovasis, ol samting long yusim long opis olsem kompyuta, potokopi masin, printa, telipon na ol arapela moa, ol pepa bilong prin na ol arapela steseneri, ol rijonel woklain bilong Bogenvil Haus Mani (BHM) na ol arapela samting moa we ol i yusim long opis.

Opis i tok ol pipel i sevim mani long Maikro Fainens Skim long helpim ol i peim skul fi, ol pasin kalsa na tumbuna olsem long taim bilong dai, wokim ol bikpela kastom kaikai, long kirapim o wokim gut liklik bisnis, haus sik fi, baim ol nupeloa samting bilong haus, ol liklik projek bilong komyniti na wanpisin, baim kakau na sevim mani long bihain taim manmeri i lapun na i no inap long wok na kisim mani.

Opis i tok skim i gat moa long 20,200 piple na sevingis i stap nau long K1.3 milien.

AusAID na Yuropien Yunien i bin bung long Disemba 2003 na ol i bin pasim tok long skruim helpim long dispela skim na mekim em i wok gut.

Ol bin kamapim wanpela Misin stetmen long skruim helpim long ol eria we ol i lukim olsem ol i mas kisim helpim.

Opis i tok bikpela tingting bilong ol em skim bai helpim ol grasrut na dispela i karamapim ol meri na ol arapela grup olsem, ol kakau na kopra groa na ol arapela liklik bisnis lain.

Opos i tok Misin bilong tupela (AusAID na Yuropien Yunien) em long kamapim bisnis plen we i tokaut long institusenei, bisnis na fainensel strateji o plen bilong Maikro Fainens Institusen (MFI) na as long em i mas wok.

Opis i tok ol dispela infomesen em Beng ov PNG o Sentrel Beng i laikim long olgeta fainensel grup o institusenei, bisnis na fainensel Institusen Lo 2000 o aninit long Sevingis na Lons Ekt 1995. Na tu, ol rot long bihainim bilong statim MFI we i makim ol kain grup olsem ol grasrut manmeri, ol meri grup, kakau na kopra groa na ol arapela liklik bisnis manmeri.

Maikro Fainens skim em wanem samting? Em i wanpela rot we i save givim ol liklik dinau (maikro-kredit). Em gat tu ol arapela sevis olsem seving skim na insurens. Husat i yusim Maikro fainens? Ol grasrut pipel olsem ol fama, ol pleslain na ol famili i sot long samting. Ol i kisim ol lon o dinau long wanem samting? Pipel i yusim ol lon long kirapim ol nupela kampani we bai kamapim ol nupela wok. Husat i save givim ol lon? Ol Maikro fainens ogenaisesen. Wan wan Maikro Fainens Skin i no wankain tasol olgeta i helpim ol grasrut na lain i sot long samting. Em i save helpim tu ol meri? Yes. Planti ol turangu pipel o lain i sot long samting em ol meri. Taim ol i gat rot long kisim mani helpim, dispela i strongim ol long mekim ol disisen insait long komyniti. Wanem taim bai Maikro Fainens i no bekim? Taim em i hat long bekim dinau, tok piksa em taim ol pipel i stap longwe long wanpela arapela long bikpela eria na taim sik i kisim planti manmeri long eria. Dispela i olsem wanpela gutpela skim bilong helpim ol grasrut. Bai mi wokim wanem nau? Yu ken ringim ol dispela lain long kisim moa helpim na save long Maikro Fainens skim long Bogenvil; 1-Tom Sete long AusAID Opis long Pot Mosbi. Telipon Namba: 3259333 2-Joe Pepa long Maikro Fainens Opis long Buka. Telipon Namba em 9739106 3- Stan Basiou long Yuropien Yunien Opis long Buka. Telipon Namba em 9739613.



Salim ol pas i kam long WANTOK NUSPEPA: P.O. Box 1982, Boroko N.C.D 111 Fax: 325 2579 @ email: word@global.net.pg

Kontrakta bilong stretim Lae siti rot

Dia Edita,
Mi laik soim luksave bilong mi long Wantok Niuspepa olsem sampela yia i go pinis na wanpela kampani ol i kolim Barclay bin stretim siti rot long mein bris i kam i go long snek ba na maket eria. Rot nau i stap gutpela tru. Nau em i go we? I luk olsem arapela kontrakta em i mas kampani bilong memba yet na taim Barclay wantaim arapela kampani aplai long tenda, ol i mas wansait stret na i

no kisim ol gutpela kampani. Kontrakta bilong ol memba ya, stretim rot wanpela wik na bagarap long narapela wik pinis olsem bek rot Bumayong nau. Mi laik tok maski lukluk long stail na kala mas lukluk long kampani husat i wokim gutpela wok long Lae siti. Mi laikim Barclay tasol i mas stretim olgeta rot insait long Lae siti.

PROF EDDIE MEFFI BULOLO MOROBE PROVINS

Memba bilong Ambunti Drekiir hangre long kamap Gavana

Dia Edita,
Mi wanpela manki Chickenda i stap long Oil Pam provins. Mi bin ritim planti niuspepa stori long memba Tony Aimo i wok long kot planti long kisim Gavana sit em bilong wanem tru? Yu no inap tingting long ol lain pipel bilong yu long Ambunti Drekiir Open Iektoret na wokim rot i go long ol dispela eria.

Yagumbok i go long Bongos K200,000.00, Drekiir i go Tau na Kibiwat K200,000.00, Maitaji i go long Masalak na Wasam K200,000.00. Total i kamap olsem K600,000.00.

Yu memba yu inap long baim ol dispela liklik mani em mi putim pinis antap inap yu baim na stretim ol dispela eria o nogat. Yu wok long kot planti tumas na westim mani long baim loya tumas na yu lusim tingting olgeta long ol pipel. Long 2002 ileksen yu kempein na yu promis olsem yu bai toktok planti long wokim rot tasol we stap promis bilong yu? Brata bilong mi, ol pipel i no long-long. Pasin yu wokim em yu opim ai bilong ol ya.

Nau yet yu mas wokim sampela samting nau. Sapos nogat em klia 2007 ileksen em bai yu lus nating tru. Ol pipel no ken givim nating vot bilong yupela. Lukluk gut na putim namba bilong yu. Sapos yu longlong em

yu yet nau. Plis ol brata na susa opim ai bilong yupela long memba Tony Aimo sapos em i no kamapim ol promis bilong em mi laik tokim yupela na tokim Tony Aimo olsem 2007 ileksen em yar bilong grasruts bai sanap. Save, digri em bilong yu i pinis long 2002 na 2007. 2007 i go antap olsem em yia bilong grasrut bai salensim yu olsem na em tasol memba. Taim yu lukim dispela niuspepa yu no ken slip tumas wantaim dak glas tekis ka bilong yu long Mosbi. Kam aut long ilektoret bilong yu na mekim wok olsem bai ol pipel bilong yu i gat tras long yu.

Bilong pinis ol toktok bilong mi i go olsem ol pipel bilong Bongos, Waukia, Kuyor, Mamsi, Kuantigisi, Tau na Kibiwat yupela i pasim ai na vot em bai yu stap olsem tasol. 5-pela yia em memba i no wokim wok gut. Pawa i stap long yu. Mi sori tru long yupela na mi yet mangi Jikanta i rait long givim sampela gutpela tingting na yupela i ken lukim.

Sapos yupela ol pipel bilong Ambunti Drekiir i lukim na i gat bel hevi long memba bilong yupela em orait raitim pas na bai mi lukim long Wantok Niuspepa na em niuspepa bilong PNG stret.

MANKI JIKANTA KIMBE WES NU BRITEN PROVINS

Glasing gut tok bilong Jisas

Dia Edita,
Mi laik bekim pas bilong Mark Dua bilong Pot Mosbi long Wantok Niuspepa Janueri 20, 2005. Het tok "Yu no inap stap gut ausait long Bodi bilong Jisas Kraiss".

Brata Mark, tok bilong yu em i tru tumas tasol, yumi mas save gut long as bilong ol. Sapos yumi mekim na bihainim laik bilong God i stap long Holi Baibel na bihainim pasin, wokabout na lotu tru we Jisas Kraiss yet save mekim taim em i stap long dispela graun, em i min olsem yumi stap insait long Jisas o yumi stap insait long banis sipsip bilong Jisas.

Ol dispela Baibel teks yu raitim ya mi save tasol yu i no

raitim gut as bilong of bai pablik i ken save stret. Dispela misin, Sios Bilong Kraiss em i wankain em olsem CBC, SDA, EBC, AOG o ol arapela sios long dispela graun. Mi no save lukim wanpela misin nem olsem, Church of Christ o Sande o Desemba 25 o Epril 1 Ista dei long Holi Baibel tasol mi save lukim sabat de God yet i pasim na blesim long yusim pawa, stail, strong na han bilong em yet i raitim insait long 10-pela Lo long tupela Teibol ston. Dispela ston em Jisas em yet ston bilong stap oltaim (Rock of Ages).

Brata Mark Dua yu raitim stori tru tru na toktok bilong Jisas Kraiss, em man bilong

bihainim laik na stretim han mak bilong Papa bilong em, Matyu 5:17-18, Mark 2:27-28. Sapos yumi bihainim dispela piksa bilong Jisas em i olsem, yumi i stap insait long sios bilong Kraiss o Bodi bilong Kraiss. Yumi mas save, i nogat wanpela man long dispela graun inap senisim han mak bilong God. Olsem na skelim gut as bilong Baibel stori na putim aut long pablik niuspepa. Rot i go long heven i hat na liklik tru long yumi luksave bikos sin i bagarapim na pasim ai bilong yumi pinis.

PETER TILINI LAE MOROBE PROVINS



Toksave:

Sampela ol pas mipela i kisim i long-pela tumas na i no givim spes long ol arapela pas, plis raitim pas liklik. Na tu putim nem na edres bilong yu long olgeta pas yu salim i kam, tenkyu. -Edita

Traim musik bilong KRX, Raikos na Bogia

Dia Edita,
Mi wanpela manki Manus tasol nau mi stap long New Town insait long Madang provins. Mi gat wanpela belhevi na mi laik autim long ol pablik long skelim. Yes olsem wanem Tumbuna Traks Studio em bilong Madang provins o bilong ol Wali tasol. Tru mi lukim dispela pasin Tumbuna Traks em wokim bikpela wantok sistem. Olsem wanem long sampela ben grup

olsem bilong Karkar, Raikos na Bogia save kam na ol holim taim bilong ol tumas. Nau mi lukim planti stil musik mangi KRX Raikos ol save i kam gut tru.

Mi bai amamas tasol long lukim sampela kain pas long sapotim mi.

LUDWIG STANN APULL NEW TOWN MADANG PROVINS

Olgeta tisa i mas go long insevis kolis

Dia Edita,
Dispela komplem bilong mi i go long Dipatmen bilong Edukesen na Tising Sevis Komisin long salim olgeta tisa husat i gat setifiket long go kos gen long insevis kolis na ol i mas apim level bilong pepa o setifiket bilong ol na kisim diploma na tis long top ap na ol praimeris skul. Dispela em long wanem sistem

bilong Edukesen i wok long senis, ol tisa tu i mas traime na go skul na apim level bilong ol setifiket. Dispela em wari mi gat olsem wanpela tisa. Tenkyu long sapot o agensim. Welkam tasol.

MATT DEDEBOH HOLEYAH BANZ ISTEN HAILANS PROVINS

EMTV GAID

Fonde 17/03/05

- 5.30 JOYCE MEYER MINISTRY
- 6.00 TODAY SHOW
- 9.00 CREFFLO DOLLAR
- 9.30 DR PHIL
- 10.20 EMTV PRIME TIME LINE UP
- 4.57 EMTV TOKSAVE
- 5.00 THE PRICE IS RIGHT
- \$100,000 SUPER SHOWCASE
- 6.00 NATIONAL EMTV NEWS
- 6.30 A CURRENT AFFAIR
- 6.59 LOTTO DRAW
- 7.00 CHM SUPER SOUND
- 7.57 EMTV TOKSAVE
- 8.00 SPORT SCENE
- 9.30 NRL FOOTY SHOW
- 11.00 AFL FOOTY SHOW
- 12.00 NIGHTLINE
- 0.30 STATION CLOSE

Mandi 21/03/05

- 5.00 JOYCE MEYER MINISTRY
- 6.00 TODAY SHOW
- 9.00 CREFFLO DOLLAR
- 11.30 CLASSROOM BROADCAST
- 2.30 KIDS KONA
- 4.57 EMTV TOKSAVE
- 5.00 THE PRICE IS RIGHT
- 6.00 NATIONAL EMTV NEWS
- 6.30 A CURRENT AFFAIR
- 6.58 TOK PISIN NEWS UPDATE
- 7.00 LOTTO DRAW
- 7.01 PRAISE
- 8.00 INSAT
- 8.27 EMTV TOKSAVE
- 8.30 WHO WANTS TO BE A MILLIONAIRE
- 9.30 C.S.J CRIME SCENE INVESTIGATION
- 11.00 EMTV NEWS REPLAY
- 11.30 CHM SUPERSOUND
- 00.00 NIGHTLINE
- 1.00AM CLOSE

Sarere 19/03/05

- 4.59 STATION OPEN
- 5.00 CREFFLO DOLLAR
- 5.30 JOYCE MEYER MINISTRY
- 6.00 TODAY SHOW
- 9.00 CREFFLO DOLLAR
- 9.30 DR PHIL
- 10.30 PRIME TIME LINE UP
- 1.00 ONE DAY SERIES FINAL
- 4.57 EMTV TOKSAVE
- 5.00 THE PRICE IS RIGHT
- \$100,000 SUPER SHOWCASE
- 6.00 NATIONAL EMTV NEWS
- 6.30 A CURRENT AFFAIR
- 6.58 NEWS UPDATE TOK PISIN
- 6.59 LOTTO DRAW
- 7.00 TOK PIKSA
- 7.30 SURVIVOR PALAU
- 8.27 EMTV TOKSAVE
- 8.30 FRIDAY NIGHT FOOTBALL
- 10.30 EMTV NEWS REPLAY
- 00.00 KINGS OF QUEENS
- 00.30AM STATION CLOSE

Sarere 19/03/05

- 5.29 STATION OPEN
- 5.30 JOYCE MEYER MINISTRY
- 6.00 TODAY SHOW
- 9.00 CREFFLO DOLLAR
- 10.00 CLASSROOM BROADCAST
- 4.57 EMTV TOKSAVE
- 5.00 THE PRICE IS RIGHT
- 5.30 CRICKET CONTINUES
- 6.00 NATIONAL EMTV NEWS
- 6.30 A CURRENT AFFAIR
- 6.58 TOK PISIN NEWS UPDATE
- 6.59 LOTTO DRAW
- 7.00 HAUS & HOME
- 8.00 BACKYARD BLITZ
- 8.27 EMTV TOKSAVE
- 8.30 THE APPRENTICE
- 9.30 THIRD WATCH
- 10.30 EMTV NEWS REPLAY
- 11.00 ER
- 00.00 NIGHTLINE
- 00.30 STATION CLOSE

Sandi 20/03/05

- 7.00 BARNEY
- 7.30 JAYJAY THE JET PLANE
- 8.00 PLANET FANTA
- 9.30 DOWNLOAD
- 10.00 SO FRESH
- 11.00 JAPAN VIDEO TOPICS
- 12.00 DOCUMENTARY: Truth behind moon landing
- 1.00 EMTV WIDE WORLD OF SPORTS
- 4.00 THE CAR SHOW
- 4.30 THE BOAT SHOW
- 5.00 ESCAPE WITH ET
- 5.30 FISHING AUSTRALIA
- 6.00 NATIONAL EMTV NEWS
- 6.30 HAPPY GARDENER IN MT HAGEN
- 7.00 STARSTRUCK
- 8.30 SOUTH PACIFIC MUSIC
- 9.27 EMTV TOKSAVE
- 9.30 XENA: WARRIOR PRINCESS
- 10.30 HECULES
- 11.00 EMTV NEWS REPLAY
- 00.30 THE LEGENDARY HIDDEN CITY
- 00.30 CLOSE

Sandi 20/03/05

- 6.29 STATION OPEN
- 5.30 JOYCE MEYER MINISTRY
- 6.00 NATIONAL NINE EARLY NEWS
- 7.00 TODAY
- 10.30 CLASSROOM BROADCAST
- 2.30 KIDS KONA
- 4.57 EMTV TOKSAVE
- 5.00 THE PRICE IS RIGHT
- 6.00 NATIONAL EMTV NEWS
- 6.30 A CURRENT AFFAIR
- 6.57 TOK PISIN NEWS UPDATE
- 6.59 LOTTO DRAW
- 7.00 WORLD OF WILDLIFE
- 7.30 MCLEOD'S DAUGHTERS
- 8.27 EMTV TOKSAVE
- 9.00 WEDNESDAY NIGHT MOVIE: DROP DEAD GOERGES
- 11.00 SOUTH PACIFIC MUSIC
- 11.30 EMTV NEWS REPLAY
- 12.00 NIGHTLINE
- 12.30 STATION CLOSE



60 MINUTES IS BACK! 7.30 PM EVERY SUNDAY



Yusim gut mani bilong Manam

Las wik *Wantok Niuspepa* i bin ripotim olsem sindaun bilong ol pipel bilong Manam long ol kea senta long bikples Bogia i rabis tru.

Klostu long eleven tausen (11, 000) pipel i stap long tripela kea senta. Graun ol kea senta i stap em tripela plentesen bilong gavman.

Ol pipel bilong Manam i bin muv i go long bikples taim bikpela pairap na bagarap long maunten paia long Manam Ailan long Oktoba las yia.

Ol pipel long kea senta i wari olsem graun ol i sindaun, em bilong ol narapela lain, na ol i no inap long wokim gaden na kisim gutpela kaikai. Nau ol i kaikai rais tasol.

Tu ol i wari long helt bilong ol. Ol pipel i stap pas pas na em i isi long sik i kisim ol. Planti pikinini, lapun na ol narapela manmeri i wok long kisim sik malaria. Sampela indai i kamap pinis long ol kea senta tasol i nogat graun long planim ol bodi. Ol i wari olsem Manam Ailan, solwara i katim.



TOK PISIN
wantaim
PETER MAIME

Namba tri wari em long edukesen bilong ol pikinini. Ol skul klostu long ol kea senta i nogat spes bilong kisim ol sumatin bilong Manam. Gavman i bin promis last yia olsem ol pikinini bai skul tasol nau planti pikinini i stap autsait yet.

Taim dispela ol hevi i bungim ol pipel bilong Manam, ripot i kam long Madang i tok olsem planti mani bilong lukautim ol pipel bilong Manam em ol Madang provin-sel edministresen i no yusim gut.

Wanpela spesel sindaun bilong Pablik Akauns Komiti i panim aut olsem planti mani em ol man long provins husat i go pas long lukautim i no yusim gut. Planti mani i go pinis long peim ol hotel, kar haia, fuel na tu i bin gat wanpela bikpela bia pati

long long Madang we disasta mani bilong Manam bai bekim.

Rijinol memba bilong Madang na Minista bilong Inta Gavman Rilesens, Sir Peter Barter i tok olsem ol wok bilong lukautim ol pipel bilong Manam i no go stret bikos i nogat lidasip long provins. Em i tok, em i go 23-pela taim long lukim ol pipel long ol kea senta. Em i tok moa olsem Gavana, James Yali, i no bin wanpela taim krugutim ol kea senta.

Sir Peter i tok Nesenel Gavman i bin givim K1 milien long las yia na narapela K1 milien em long las wik Fonde. Narapela K2 milien bai gavman i givim bihain taim liklik.

Memba bilong Bogia na Siaman bilong Pablik Akauns Komiti, John Hickey, i tok strong olsem Ekting Provinsel Edministreta na Siaman bilong Madang Disasta Komiti, Robert Yas, mas aut long wok bilong em olsem Provinsel Edministreta.



KOMENTRI

Stretim gut ol ilektoret

Gutpela long lukim gavman i wok long salim wanpela komiti bilong em long glasim na skelim gen ol baundri bilong ol ilektoret insait long Papua Niugini.

Ol dispela baundri nau i stap em longpela taim nau we i kamapim tasol 89 ilektoret insait long Papua Niugini.

Em i tru olsem planti ilektoret i wok long gat hevi long sampela ilektoret i join nabaut wantaim arapela.

Namba bilong ol manmeri tu long sampela ilektoret tu i bikpela moa long arapela na i mas gat skelim gen long brukim ilektoet bilong ol.

"Morobe i gat laik long kamapim samting olsem tripela moa ilektoret long provins bilong em".

Sampela ilektoret tu em eria bilong ol i bikpela tru na i bikpela moa long arapela.

Dispela kain samting i save mekim ol lida bilong bipo na nau i wok long toktok planti long skelim gen ol baundri na brukim ilektoret bilong ol.

Dispela bai min olsem sampela nupela ilektoret i mas kamap long sampela provins.

Gutpela olsem dispela baundri komiti i statim wokabaut bilong ol pinis long Morobe provins we i lukim olsem Morobe i gat laik long kamapim samting olsem tripela moa ilektoret long provins bilong em.

Tasol toktok bilong rausim ol rijinol sit tasol i no klia yet. Sapos gavman i luksave long ol nupela ilektoret na kamapim long ol provins bai ol i lusim rijinol sit o nogat.

Dispela toktok i bin kamap bipo long palamen na palamen i oraitim pinis tasol wok bilong karimaut aut o lukim em i karim kaikai i no yet.

Ilektoret em bikpela samting moa bikos yumi lukluk insait long gavman sevis i mas go gut long ol pipel we olgeta pipel i ken kisim wankain sevis bilong gavman olsem ol arapela ilektoret.

Helpim bilong skul, haus sik, polis, rot projek na arapela sevis bilong helpim pipel i mas go stret na ol pipel i ken kisim stret.

Pastaim em ilektoret i bikpela tumas o namba bilong ol pipel i planti tru na ol sevis i kam i no inapim olgeta pipel.

Olsem na long kamapim na stretim gut sindaun bilong ol pipel em yumi wanbel na welkam long wok bilong dispela baundris komisin long go het na stretim kantri na ol pipel nau.

Nau em ples i senis na ol nupela senis i mas kamap bilong muvim ol pipel i go het gut wantaim ol nupela senis bilong tude we ol masin na kompyuta i mekim wok na save tu i go bikpela long ranim kantri, pipel, laip na sindaun long wol tude.

Lida mas winim Rispek

"Yupela i mas was gut long yupela yet na long olgeta manmeri bilong God. Em ol dispela manmeri em i bin baim long blut bilong Pikinini bilong em yet. Na Holi Spirit i makim



Ol prinsipol bilong gutpela lida
wantaim
Pastor na Evangelist
OHARE JABERE

yupela i stap Lidaman bilong ol dispela manmeri bilong God."

Yumi i mas soim gutpela pasin na rispek long ol arapela manmeri na dispela bai i mekim ol pipel tu i gat rispek long lo na oda na lidasip bilong yumi ol lida manmeri.

Pol i makim ol lida bilong sios long Efesas na em i kolim ol "wasman" na em tokim ol "Holi Spirit i makim yupela stap lida bilong dispela manmeri bilong God". Dispela nem Lida i kam long Bikpela Jisas Kraus, long wanem em yet i gutpela Lida bilong yumi olsem na Lida bilong Papua Niugini em i wasman na ol manmeri i olsem ol sip-sip bilong God. Ol Lida i mas i stap lida tru na

lukautim gut ol kristen na strongim ol long bihainim rot bilong God.

Dispela tok piksa bilong wasman o lida i soim yumi olsem kristen lida i mas tingting oltaim long helpim ol arapela manmeri. Lida i mas tingting long hevi na wari bilong arapela manmeri na lukautim ol bai ol i bihainim Kraus. Pita tu i tokim yumi olsem lida i mas mekim wok na i no ken tingting oltaim long pe tasol. Lida i no ken i stap olsem bikpela man na daunim ol arapela manmeri. Em i mas i stap poroman tru bilong ol arapela manmeri. Dispela i gutpela pasin bilong ol Lida bilong yumi. Sapos ol i bihainim pasin bilong Bikpela Jisas

1 Yu mas wok long winim tras na rispek bilong ol pipel

2 Yu no ken pusim ol man long rispektim yu o harim tok bilong yu

3 Yu mas wok hat na bai hatwok bilong yu yet i givim yu rispek

4 Jisas bin soim rot bilong daunim yumi yet na bai God yet i litimapim yumi.

5 God save birua long ol manmeri i gat apim nem pasin. God i no inap wok wantaim apim nem spirit. Em i save rausim manmeri i apim ol yet i go daun na apim ol manmeri bilong daunim ol yet i go antap.

Olgeta manmeri laikim man husat i ken i go daun na go insait long level bilong ol na kamap wanpela bilong ol.

Bikpela Lord Jisas yet em i soim yumi rot bilong kamap gutpela lida. Em i gutpela piksa we yumi mas bihainim.



Published Weekly, Wednesday, for Word Publishing Company, Ltd.
P.O. Box 1982, Boroko, NCD
Papua New Guinea
Telephone: 325 2500
Fax: 325 2579
Email: word@global.net.pg
Pe bilong wanpela yia 52 niuspepa

Ples:	Air:
PNG	K140.00
AUSTRALIA	US\$100.00
ASIA PACIFIC na JAPAN	US\$80.00
AMERICA na EUROPE	US\$150.00

General Manager
Justin Hansu Kili

Editor
Yakam Kelo

Published by Jeremy Burgess and printed by Pacific Star-P.O. Box 6817 Boroko NCD at allotment 13 section 38 Waigani drive, Port Moresby

Word Publishing Company Limited is owned by the four major churches of Papua New Guinea: Catholics 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.



NFA redi long 2005 European Seafood So

NESENEL Fiseris Atoriti (NFA) i wok long redi long soim strong bilong PNG solwara kaikai long mun Epril long 2005 European Seafood Exposition.

Dispela so i save kamap long olgeta yia na dispela yia bai em i kamap gen long Brussels.

Moa long 200 sifut kampani long olgeta hap bilong Europe, Esia na Pasifik bai soim ol prodak bilong ol. Papua Niugini em i namba wan Pasifik Ailan kantri long stap insait long dispela so.

NFA i bin makim PNG taim ol i go long dispela so las yia na em i wok long redi ken long go long makim kantri long dispela yia. Ol i bin wok redi bilong dispela so i stat long mun Januari yet na NFA i wok long toktok yet

wantaim sampela moa PNG pis kampani bilong redi gut long soim wok bilong ol.

Indastri Liaison Opisa bilong NFA Justin Ilakini i tok ol i luksave pinis long namba wan taim las yia long olgeta samting ol i mas mekim na nau ol i redi long stretim olgeta samting bihainim ol customs rikwaimen bilong European Union. Em i tok ol i laikim planti kampani long traim painim ol maket long Europe we ol i ken salim ol solwara kaikai o pis ol i save mekim. Mista Ilakini i tok long dispela as tasol na NRA i wok long hat wok long helpim ol.

"Las yia mipela i no bin soim ol prodak stret. Mipela i soim ol poto na pepa tasol. Long dis-

pela yia mipela i go moa yet long mekim wanpela vidio ol i kolim 'Papua New Guinea Seafood Industry', we mipela bai soim long haus bilong PNG. Antap long dispela mipela i putim pinis ol edvatismen na stori insait long olgeta solwara kaikai megasin na niusleta long Europe," em i tok.

Las yia wanpela haus tum-buna bilong Sepik we ol i mekim long Wewak i bin go olgeta long Brussels bilong makim PNG long dispela ekspo. Dispela yia bai lukim wanpela haus ol i mekim long Madang we ol bai salim i go long Brussels na bai i stap bai PNG i ken yusim olgeta yia.



• Minista bilong Fiseris Hon. Ben Semri i lonsim namba wan fiseris vidio bilong PNG.

Strongim Wok Fiseris long 2005

FISERIS indastri insait long Papua Niugini i statim wok bilong en long 2005 wantaim progrem bilong strongim ol Papua Niugini pis kampani.

NFA, Food na Agrikalsa Ogenaisesen na Senta bilong Dvelopmen na Enteprais (CDE) i kamapim wanpela woksop bilong ol pis kampani long kisim trening long Tuna Kwolati Asurens na Laboratori Tekniks'.

Taim Minista bilong Fiseris, Ben Semri i bin opim dispela woksop long namba 22 de bilong mun Februari, em i tokaut long amamas bilong em long lukim groa bilong fising indastri na em i tok em i gat bikpela sapot bilong trening i ken strongim indastri na givim gutpela solwara kaikai bilong ol pipel bilong PNG.

"Pis indastri i groa bikpela tu long 1995 yet i kam inap nau.


Mak bilong ol ekspot we i bin sindaun long 50 tan long 1990 i bin sut i go antap long mak bilong 40,000 tan long 2001. Dispela em long 10-pela yia tasol. Dispela i soim groa bilong winmani i winim mak bilong US\$60 milien.

"Dispela groa bai i go antap yet taim mipela i sanapim 5-pela moa pis kenari na loining fektori. Mipela i wok long lukluk long opim strong bilong RD Tuna Canning i go inap 500 metrik tan long wanwan de long Vidar, wanpela 60metrik tan long wanwan de Kosher Loining fektori bilong Poseidon long Madang, wanpela 140 metrik tan long wanwan de tuna loining na canning fektori bilong Frabelle long Lae, wanpela 50 metrik tan long wanwan de loining fektori long Kokopo bilong New Britain Resources Development na wanpela 120 metrik tan long wanwan de loining na canning fektori bilong Offshore Master Company bilong Thailand.

"Mipela i laik kamapim 15 inap long 20 tausen wok bilong ol manmeri bilong PNG insait long 10-pela yia i kam, na mekim moa long US\$300-400 milien ekspot winmani bilong PNG," Minista Semri i tok.

Em i tok hevi bilong ikonomi i stap nau long wol na bikpela prais bilong bensin i wok long daunim liklik groa bilong fiseris indastri.

Mista Semri i tok sampela arapela samting we i wok long givim hevi long fiseris sekta olsem ol edministresen wok bilong gavman, mak bilong reinvesmen o wok bisnis bilong ol kampani i stap nau na rot bilong toktok namel long ol stekholda, trening na ol dispela kain samting i stap yet na i mas stret pastaim long indastri i ken groa moa yet.



• Nupela CD bilong Nesenel Fiseris Atoriti.

"Kwolati asurens na laboratory teknik trening progrem i bihainim plen bilong Gavman. Papua Niugini i no inap long mekim gutpela kwolati sifut prodak bilong salim long ol maket insait na ausait long kantri sapos mipela i nogat manmeri i gat save na trening olsem dispela i stap insait long dispela progrem.


"Olgeta sifut prosesing kampani insait long Papua Niugini i mas go het yet long strongim mak bilong gutpela kaikai stendad bihainim Hazard Analysis na Critical Control Point o HACCP. Em i bikpela samting tu we Nesenel Fiseris Atoriti i mas klia long ol stendad na rikwaimen i poromanim kaikai sefti," em i tok.

Em i salensim ol progrem fasiliteta na kos sumatin long paitim toktok na tokaut long sampela samting we mipela long PNG i mas mekim long bihainim stret ol sefti rikwaimen bilong kaikai.

Mista Semri i givim luksave na tok tenkyu long INFOFISH, Food na Agriculture Organisation (FAO) na Centre bilong Dvelopmen na Enteprais (CDE) long mekim dispela trening progrem hia long Papua Niugini na Nesenel Fiseris Atoriti bilong helpim long kamapim dispela progrem.

Tuna Quality Assurance and Laboratory Technique Training Programme


23-26 November 2005
Crown Plaza Hotel, Port Moresby, Papua New Guinea




• Minista Semri na Ekting Menesing Dairekta bilong NFA Sylvester Pokajam i sanap wantaim tupela kos fasiliteta bilong woksop long strongim ol pis kampani insait long kantri.



Ailan Seafoods Ltd bai karim nem bilong PNG



• Mista Reinhard Mangels Menesing Dairekta bilong Ailan Seafoods Ltd



• Misis Warinah Mangels Menesing Dairekta bilong Emirau Marine Products Ltd



• FV Kissomaru, wampela fising bot bilong Ailan Seafoods Ltd.

LONG mun Epril bilong dispela yia, wampela bikpela ekspu o so bilong fiseris bai kamap long Brussels. Wampela kampani husat bai karim nem bilong Papua Niugini na go soim strong bilong en long sait bilong fiseris em Ailan Seafoods Ltd.

AILAN Seafoods Limited (ASL) em i wampela fiseris kampani i stap long Kavieng, Nu Ailan provins. ASL i bin kamap long 2002. Em i winim wampela kontrak long Nesenel Fiseris Atoriti long yusim prosesing woksop bilong en i stap insait long wampela nupela fiseris kompleks we NFA i bin sanapim aninit long helpim i kam long Asian Development Bank na AusAID.

Ailan Seafoods Ltd em i wampela bisnis bilong Emirau Marine Products (EMP) bilong Nu Ailan provins. EMP i gat 51 pesen sea bilong ASL na narapela 49 pesen em Ailan Seafood Limited bilong New Zealand i holim.

Oi i save baim rip pis, ol snapper, mackereel, kindam, pis lama, trochus sel na prosesim pastaim long ol putim long ais bokis na salim i go ovasis. Oi i save baim ol solwara kaikai long ol as ples manmeri. Oi kindam ol i save baim long ol ples bihainim Buluminski Haiwe.

Menesing Dairekta bilong Ailans Seafood Ltd, Reinhard Mangels i tok ASL i bin kamapim wampela agrimen wantaim MAPS Tuna Limited bilong Lae, Morobe provins long kisim ol tuna ol i pulim na rausim mit bilong ol long salim i go kantri Holland. Insait long tupela mun tasol, ol i prosesim moa long 120 tan pis.

MAPS Tuna Limited i gat 4-pela bot i wok long pulim tuna long dip solwara long Nu Briten. Oi i save karim ol dispela pis i go long ASL bai ol i prosesim. Nau yet ASL i gat samting olsem 60 wok manmeri.

"ASL em i wampela praivet sekta patna bilong European Union Rural Coastal Fisheries Development Projek long Nu Ailan. Em i kamapim pinis agrimen wantaim ol lokol ples manmeri long baim pis long ol na helpim ol long baim ol bot we ol i kisim wantaim helpim bilong EU. Wanwan long ol dispela EU o ELA82 bot i save putim samting olsem 400

kilogram pis long wampela wik," Mista Mangels i tok.

Bikpela mama kampani bilong ASL em Emirau Marine Products Limited (EMP Ltd). ASL i save mekim wok prosesing bilong EMP.

Mista na Misis Mangel i bin kamapim EMP long 1992 taim ol i stat wantaim wampela bikpela bokis ais. Oi i bin baim kindam long dispela taim bilong wanem pis i no wok long mekim gutpela mani. Oi kastoma bilong ol em ol hotel olsem Port Moresby Travelodge, na Madang Resort Hotel.

"Mipela wok long baim samting long ol as ples manmeri. Polisi bilong mipela em long noken abur-sim ol manmeri. Sapos ol i gat samting bilong salim, mipela bai baim. Mipela i bin go long baim ol rip pis, kuka na bihain ol trochus sel we mipela i wok long salim i go long Rabaul button fektori na nau mipela i opim maket i go long ovasis long kantri olsem Italy, Japan, Hong Kong na Madagascar. Mipela i save eksptim 120 tan sel long wanwan yia. Bikpela maket bilong mipela long kuka em Australia. Mipela i save eksptim samting olsem 10 tan long wanwan yia.



• Ol wokmeri i stretim ol pis bilong rif.



• Wokmeri i soim ol pis lama o beche-der-mer.



• Ol wokmanmeri i sekim na pekim ol sakfin.



• Ol trokus sel i drai long san.

Strongim ol meri insait long wok fiseris

WOK FISERIS insait long kantri i wok long go bikpela moa nau na Nesenel Fiseris Atoriti (NFA) i wok long bihainim tok bilong gavman long strongim ol meri insait long dispela bikpela industri.

Long mun i go pinis, Nesenel Fiseris Koles long Kavieng, Nu Ailan provins i yusim nupela Sifut Trening na Prosesing Fasiliti bilong ol long karimaut wanpela woksop bilong strongim wok bilong ol meri insait long PNG Sifut na fiseris sekta.

Dispela trening woksop i bin sut stret long opim rot bilong moa meri insait long wok fiseris insait long kantri.

Ol patisipen i bin mekim 4-pela woksop program wantaim ol kos Nesenel Fiseris Koles i save givim. Bikpela skul dispela woksop i givim em program long apim prais bilong sifut na sifut bisnis menesmen.

Sponsasip bilong dispela woksop i bin kam long International Finance Corporation bilong Wol Benk na i kam olsem long Sydney na Pot Mosbi opis bilong Pacific Enterprise Development Facility.

Bihainim rot bilong kamapim tru tru tes bilong traim kaikai na tupela rot bilong salim ol dispela kaikai, tupela grup wantaim i bin makim tupela resipi o rot bilong kukim ol pis na redi long mekim namba tu wok traim.

Resipi we tupela grup i bin makim em ol i miksim ram na suga wantaim ol arapela wanwan hebs na spais.

Namba tu wok traim i bin kamap gut bilong tupela grup wantaim.

Oiget meri i bin mekim wok bilong katim pis, rausim skin na bun na putim insait long sos. Bihain long en ol i lainim stretpela rot bilong smukim na glasim, mekim ol lebol na pekim ol smuk pis bilong salim.

Ol smuk kaikai ol i mekim i stap insait long ol 250 inap 300 gram bek, na ol i pekim i go insait long wanwan bokis we hevi bilong em i stap long mak bilong 10 kilogram.

Ol dispela bokis smuk kaikai i go insait long bokis ais na redi long traim long maket.

Bihain long ol i stretim smuk pis kaikai bilong ol, tupela grup wantaim i bin kisim sampela long ol muk kaikai ol i mekim na go paitim toktok wantaim ol bisnis menesa na menesa bilong ol hotel long traim ol dispela pis na kisim tingting bilong ol.

Ol i kisim gutpela bekim long ol Kavieng taun hotel menesa husat i save kisim ol turis i kam long Australia.

Sean Keane, Menesa bilong Nusa Island Resort long Kavieng harbour i tokim ol meri olsem ol kastoma bilong em i bin amamas tru long kaikaim ol dispela smuk kaikai ol i mekim.

Em i tok tu olsem sapos ol i ken mekim planti, em bai inap long putim nem bilong ol dispela prodak bai ol turis i ken lukim na traim.

Skul long wok fiseris

Long namba wan wik, ol meri i kisim skul long stretpela rot bilong wok wantaim solwara kaikai. Ol i mekim wanpela 2-wik kos we ol i skul long klasrum na bihain ol i go aut na traim kamapim wanpela kaikai ol i mekim long abus ol i kisim long solwara.

Ol i bruk i go long tupela grup na ol i resis long mekim plen bilong prodaksen, kamapim ol resipi o rot bilong kukim ol samting na painim rot na maket bilong salim dispela nupela solwara abus kaikai.

Long nait bilong en, ol i kisim skul long karimaut wok risets long intanet na yusim kompyuta masin long mekim wok painimaut.

Taim namba wan wik i laik pinis, tupela grup wantaim i tanim ol marlin o selfis na yelofin tuna i go kamap ol hot na kol smuk kaikai.

Lainim wok menesmen

Maski ol meri i amamas long klinim na kukim pis bihainim ol stretpela rot bilong kukim pis bilong salim, tupela grup wantaim i bin kamapim ol prodak developmen ripot we ol i bin presentim long woksop.

Dispela hap ripot i kamapim sans bilong skelim strong bilong ol sifut prodak, ol maketing plen, rot bilong kamapim na mekim wok risets, wok prodaksen plening, wok bihainim bilong wok, ol fut sefti analisis o wok glasim na pepa wok, ol wok traim bilong prodaksen, pekim na lebolim na salim na distributim.



• Ol pis mit i kamaut long masin bilong smukim na i redi long go insait long paket.

Long namba tri woksop kos, ol meri i bin lainim ol bikpela samting bilong prodaksen menesmen na sifut bisnis menesmen. Bikpela hap ol i lukluk long en em wok bilong skelim prais bilong mekim wok prodaksen.

Ol i yusim ol prodak developmen trail na tupela grup wantaim i mas makim prais bilong mekim wok prodaksen na painimaut sapos bai i gat inap profit o winmani long kamapim wanpela bisnis we i gat gutpela samting bilong salim.

Dispela i bin wanpela bikpela salens bilong tupela grup wantaim tasol ol i skelim bekim bilong maket na ol prais bilong ol smuk pis prodak na olgeta i wanbel olsem i gat sans bilong mekim moa kol smuk marlin na tuna prodak.

Las wik bilong program i bin lukluk long komyunikesen, menesmen na save long wok tisa bilong kirapim tingting bilong ol meri long go pas long givim wok trening long wanwan ol ples bilong ol. Wanpela 1-de woksop long ol samting i save banisim ol meri long mekim moa wok bisnis long sait bilong solwara kaikai i kamapim ol dispela rekomendesen i kam long ol woksop patisipen:

1. I mas i gat wanpela provisin long sapatim kamap bilong wanpela PNG "Women in Fishery Association".
2. Dispela "Women in Fishery Association" i mas i gat luksave na makim insait long Nesenel Fiseris Atoriti.
3. Asosiesen yet i mas sanapim o opim rot bilong wanpela mikro-kredit skim bilong ol meri i wok insait long sifut na fiseris.
4. Helpim i mas i go long ol patisipen o meri i sindaun long dispela woksop long karimaut wok trening na moa wok aweanes insait long ol komyuniti bilong ol.
5. Wanpela asesmen program i mas kamap long skelim wok bilong ol patisipen long sekim olgeta wok i kamap insait long ol komyuniti na provins bilong ol.
6. Nesenel Fiseris Koles i mas kisim dispela kos na putim insait long dilivari program bilong ol na teknikal helpim i mas go long ol trena long kodinetim na developim program dilivari.

Maski i no stap insait long program bilong woksop, las wik bilong woksop em ol meri i kisim liklik skul long marin risos menesmen o wok bilong menesim na lukautim gut solwara na sefti long taim bilong raun long solwara.

Long las de tru bilong woksop, wanwan meri i bin sindaun long dispela woksop i bin givim hap toktok na tingting long ol bikpela eria bilong dispela woksop we ol bai go het na strongim ol wanwan hap we ol i laik bihainim long sait bilong bisnis, mekim wok tisa o wok trena.

Peter Philipson bilong PEDF Sydney Opis i bin gat sans long stap long makim pinis bilong woksop na ol patisipen yet i bin bung wantaim na serim ol woksop rekomendesen bilong ol.

Nesenel Fiseris Koles long Kavieng i gat bikpela tingting long go het wantaim moa woksop olsem dispela na ol i laikim bai PEDF i mas go het long sapatim dispela kain inisativ bilong koles.



• Wanpela tisa bilong Nesenel Fiseris Koles, Zingham Salimbi i soim sampela smuk tuna na marlin pis mit we ol meri i mekim long liklik skul woksop bilong ol.



• Traim wokim smuk solwara kaikai. Dispela em sampela long ol smuk kaikai ol meri i mekim.



• Ol meri i redim ol pis mit bilong rausim skin na bun na putim insait long marinade o sup bilong en.



• Ol meri i stretim ol tuna na marlin mit long ol tre long redi long smukim.

TOK KLIA LONG 20 SAINA FISING BOT I BIN WOK LONG OL WARANA BILONG MILEN BE PROVINS



• Minista bilong Fisheries, Hon. Ben Semri

LONG stat bilong dispela yia i bin gat bikpela kros pait i kamap long Nesene! Palamen long 20 fising bot bilong Saina husat i bin pulim pis long ol warana raunim Milen Be provins.

Dispela em i tok klia i kam long Minista bilong Fiseris Hon. Ben Semri na i go long Palamen.

Mista Spika, long oi de i go pinis i gat planti nius na toktok long 20 Saina Fising trola i stap wok long ol warana raunim Milen Be provins.

I no abrus insait long dispela haus tu we ol memba i wok long askim na autim tingting long dispela samting.

Memba bilong Samarai/Murua i bin tromoi sampela askim we mi bin tok olsem mi bai givim ol bekim bilong me long pepa sapos em i putim ol askim bilong em long pepa na bai mi bekim. Mi bin tok tu olsem bai mi bekim ol askim bilong memba bilong Usino Bundi husat i bin askim husat tru i bin kamapim dispela agrimen na ol i bin sainim dispela agrimen long wanem hap tru.

Ol arapela memba i bin givim ol arapela samting na bel hevi long ol dispela sip long dispela haus.

Mi bin bekim na stretim sampela long ol dispela askim i kamap insait long Palamen na mi bin mekim tok promis long givim bekim long ol arapela askim long dispela wik.

Mista Spika, nau long stretim tingting bilong pipel bilong dispela kantri husat mipela yet i makim, na bilong stretim tingting bilong olgeta lain husat i givim pinis tok promis long wok bisnis insait long kantri. Dispela nau em tok klia long stretim bel bilong olgeta manmeri long dispela 20 fising bot we gavana bilong Milen Be i tok ol i brukim lo na kam pulim pis insait long kantri.

Long Tunde, namba 15 de bilong mun Februari, 2005 mi bin salim wanpela setmen i go long nius media long ol dispela bot na tok klia long ol dispela bod i gat laisens aninit long wanpela wok traun aninit long lukaut bilong Nesene! Fiseris Atorit.

Mista Spika, dispela em i stori truru long dispela 20 bot inap nau we mi givim dispela toktok. Nesene! Fiseris Atorit i makim gavman na i gat pawa aninit long ol long reguletim fiseris na ol wok fiseris insait long Papua Niugini. Olgeta dispela 20 fising bot i gat laisens i kam long Nesene! Fiseris Atorit. Na Bod em i wanpela atorit tasol husat i ken reguletim na larim ol wok fiseris i kamap insait long dispela kantri. Mi olsem Minista i no inap agensim disisen bilong Bod.

Stori baksait long dispela samting

Mista Spika, mi mas givim stori baksait long dispela samting bai mipela olgeta na ol pipel bilong mipela i ken save long olgeta dispela samting.

Mista Spika, Nesene! Fiseris Atorit (NFA) i bin kamap aninit long Fisheries Management Act 1998 wantaim wok bilong menesim, reguletim na developim

pis na fiseris risos insait long PNG. Bihainim ol wok bilong em NFA i bin laik strongim ol fiseris risos bilong mid-water zone we i nogat inap save long strong bilong ol pis long hap.

Long kamapim dispela wok painimaut, NFA i bin skelim wok bilong sampela mid-water stern trola sip long traun bungim olgeta samting bilong skelim sapos i gat inap pis na sapos dispela i ken kamap wanpela nupela fiseri.

Sans i bin kamap taim Deyuan Fishing Limited, wanpela kampani i wok long PNG wantaim wanpela Papua Niugini man na Saina man bilong Dailian provins bilong Peoples Republic of China i autim tingting long wok bung wantaim PNG/NFA long kamapim dispela mid-water trawl fising insait long Papua Niugini.

Deyuan Fishing Limited i gat save long pulim pis bihainim mid-water stern trawl fising long Saina na i gat save long mekim dispela wankain wok insait long ol arapela kantri. Nau ol i bin tok long mekim wankain wok traun insait long PNG long pulim na ekspolim ol mid-water pis spisis.

Agrimen na laisens bilong ol bot

Bihainim sampela toktok wantaim Atorit, wanpela Trial Fishing Agrimen i bin kamap namel long Independent State of Papua New Guinea na Deyuan Fishing Limited long namba 30 de bilong mun Ogas 2004 long Pot Mosbi. Dispela em i nupela fiseri na kampani i bin tok long yusim 20 bot long mekim dispela wok traun na Deyuan Fishing Limited i bin gat 6 mun traun na i no wanpela yia olsem i stap insait long Act. Em i wanpela nupela fiseri olsem na i nogat infomesen long en na i stap aninit long glasim bilong NFA long dispela taim bilong wok traun we NFA bai glasim gen long lukim sapos i gat strong o nogat. Ol strongpela kontrol na laisens kondisen i bin lukim ol obsewa opisa i raun wantaim wanwan bot.

Bihain long ol i sainim Agrimen, na pastaim long ol i givim laisens long statim dispela wok traun tupela hap wok inspeksen i bin kamap. Namba wan taim em ol opisa bilong fiseris na trenspot i go long Saina long sekim ol sip na wok samting pastaim long ol i givim tok orait long ol bot long kam long PNG. Ol opisa bilong NFA husat i bin karimaut dispela wok glasim em ol opisa i gat save long glasim gia o samting bilong hukum pis na ol arapela i gat save long makim kwolati o strong bilong ol solwara kaikai.

Taim ol dispela sip i kam kamap long PNG ol i bin go long Lombok long karimaut namba tu hap bilong ol inspeksen aninit long inspeksen lo. Dispela inspeksen em ol opisa bilong Nesene! Fiseris Atorit, Marin Trenspot Atorit, Customs na NAQIA i bin karimaut wantaim ol heit inspekta.

Bihain long ol i kisim kliarens long ol stet ejensi na ol i tok klia long ol bot masta na kru long ol rot bilong bihainim long kisim laisens, NFA i givim laisens long ol dispela fising bot. NFA i bin putim wanpela fiseris obsewa long wan wan fising bot. Wanpela long ol dispela bot tasol i no bin i gat obsewa long en bilong wanem em i bin lusim Lombok na go aut.

I gat sampela kondisen i stap insait long Agrimen na ol arapela standad olsem sefti standad o mak bilong strong bilong sip na ol arapela standad we ol bot na kampani bilong ol i mas bihainim pastaim long ol i ken kam long PNG na pulim pis.

Aninit long dispela agrimen, ol bot i ken karimaut dispela trial o wok traun ausait long graun na rip inap long 6 nautical miles na ol i mas pulim ples long ol hap we NFA i makim. Ol dispela rikwaimen i stap insait long kondisen bilong ol trial permit na insait long agrimen namel long gavman na kampani.

Long karimaut na sekim sapos ol dispela sip i bihainim agrimen, NFA i bin putim ol obsewa long wanwan long ol dispela sip. As long putim dispela obsewa long wanwan sip i ken bruk i go tripela samting.

- Long ol i mas bihainim olgeta lo bilong laisens ol i holim;
- Long lukluk na givim ripot long ol samting olsem ol i traun long bagarapim wok bilong ol obsewa; na
- Long bungim olgeta ripot bilong ol pis bot i pulim.

Ol raun bilong ol sip klostu long Panasia Ailan

Ol bot bilong De Yuan Yu em ol mid-water stern trola na ol i wok long pulim pis long wanpela grup tasol i stat long taim ol i lusim Lombok long Manus provins long namba 18 de bilong mun Januari, 2005 wantaim ol fiseris obsewa bilong Nesene! Fiseris Atorit antap long wanwan bot.

Taim ol i bin fusim China na kamap long Lombok, ol i wok long raun painim pis inap long wanpela mun taim bensin bilong ol i bin pinis. Long dispela as tasol na ol i bin go klostu long Panasia Ailan long namba 25 de bilong mun Januari long wetim wanpela fuel bot long riful. Dispela em i as bilong ol dispela bot i stap klostu long Panasia Ailan.

Dispela em samting i ken kamap insait long kainkain hap bilong PNG. I ken kamap long Sandaun o Is Sepik o Manus o Nu Ailan o Madang o Morobe provins. Ol i wok long pulim pis i stap klostu long Milen Be na ol i bungim hevi bilong nogat bensin. Ol i bin toksave long Nesene! Fiseris Atorit na NFA i bin klia long hevi bilong ol dispela bot taim ol i wet i stap long Milen Be.

Ol ripot long pulim pis na ol arapela samting klostu long ailan

Taim ol ripot long ol bot i kam long Milen Be Edmistresen i tok olsem ol bot i wok long pulim pis klostu long ailan, NFA menesmen i bin bung na salim ol fiseris opisa long go long Misima long sekim.

Ol i bin go wantaim patrol bot long Lombok naval bes. Tasol taim ol ripot i kam bek long Misima, polis long Milen Be i tokim ol olsem ol i ken go tasol i nogat mani long baim fiul. NFA i bin givim mani long polis long kisim patrol bot long Manus.

Tasol NFA i wok long mekim dispela i stap taim ol i kisim toksave olsem Distrik Edmistreta bilong Misima wantaim ol polisman i go antap long ol bot na tokim ol long go sua long Alotau pastaim long ol fiseris opisa i bin inap go sekim ol. Polis i rausim olgeta kru bilong sip, ol rekord buk bilong olgeta bot na ol Trial Fishing Laisens NFA i bin givim ol.

Toktok bilong ol Alotau Polis na Fiseris Atorit

Ol Fiseris Opisa bilong NFA i bin go long Alotau long Fonde, namba 10 de bilong mun Februari long karimaut inspeksen na mekim wok painimaut long ol sut toktok long ol bot i bin pulim pis klostu long ailan.

Long Gurney ples baius, Honourable Gavana bilong Milen Be i bungim ol na tokim ol olsem em i makim wanpela loya pinis husat i kisim dispela kes i go long kot na ol i no inap long lusim ol bot i lusim Alotau inap olgeta samting long kot i stret.

Long namba 12 de bilong mun Februari, ol opisa bilong fiseris i bin go antap long ol bot long sekim sapos ol i bin pulim pis nating na ol polisman husat i was long ol bot i stap i rausim ol. Ol fiseris opisa i bin kam bek long Mosbi.

Pasin bilong polis long pasim ol fiseris opisa long go antap long sip i pasim rot bilong mipela long sekim ol ripot olsem

ol bot i bin pulim pis klostu long ailan. I bin gutpela sapos ol polis i bin lusim ol fiseris opisa long go mekim wok glasim bilong ol long sekim sapos ol bot i bin brukim lo o nogat.

Long namba 16 de bilong mun Februari, polis hetkwota i bin tok orait long ol fiseris opisa long go long Alotau na lukautim ol dispela bot.

Fisheries Management Act 1998 i givim strong long ol fiseris opisa long go antap na sekim wanem kain bot husat i brukim lo o i abrusim ol laisens kondisen bilong em. Husat man o meri i no laik larim wanpela fiseri opisa long mekim wok bilong em i brukim lo na i ken kisim mekimsave inap long K100,000.

Long sait bilong ol wok permit bilong ol kru bilong ol dispela bot, aninit long ol baileterel agrimen namel long PNG na ol arapela kantri, ol kru bilong ol bot bilong arapela kantri i no nidim wok permit. Ol manmeri bilong arapela kantri husat i wok antap long wanpela bot i ron insait long kantri i mas i gat wok permit. Mi no klia sapos memba bilong Milen Be i askim sapos ol kru i mas i gat wok permit o nogat.

Ol bekim bilong mi long ol askim i kam long memba bilong Samarai/Murua

1. Yes, i gat agrimen namel long PNG na China long karimaut wanpela trial o wok traun long mid-water stern trolling. Mipela i no toksave long Milen Be bilong wanem dispela tok orait i kam long gavman na NFA long kamapim ol fising agrimen we ol i ting bai i gutpela bilong kantri. NFA i gat rot bilong bihainim long kisim tok orait i kam long ol provins sapos kampani o State i laik kamapim wanpela "on-shore" operesen insait long provins. Dispela i no kam aninit long dispela kain projek.

2. Em ol samting NFA i laik painimaut long dispela wok traun. Wanem kain pis stok i stap bilong wanem mipela i no save. Aninit long fiseris lo, taim bilong wanpela kain wok traun olsem inap long wanpela yia. NFA i bin daunim dispela mak i kam daun long 6-pela mun tasol bilong wanem namba bilong ol bot i antap. Dispela em i wanpela menesmen disisen. Bikos em i wanpela trial long wanpela kain rot bilong pulim pis, na i ron long mani bilong kampani yet, agrimen i tok kampani i ken kisim wanem kain samting em i pulim, tasol mipela i ken kisim wanem kain infomesen i kamaut long dispela trial bai mipela i ken skelim sapos i gat inap pis bai mipela i ken opim i go long ol manmeri bilong yumu. Inap nau, nogat wanpela pis ol i kisim. Ol i kisim tasol 4 kilogram skwid o tauka. Traun na tingim bikpela hap mani dispela kampani i wok long tromoi long pulim dispela liklik hap samting tasol.

3. Olsem mi tok pinis. Dispela em i wanpela wok traun tasol long skelim strong bilong dispela kain fiseri. I no wanpela bikpela agrimen long statim fiseri projek. Em i wok painimaut. Sapos mipela i laik statim bai mipela mas makim olsem wanpela fiseri na kamapim ol menesmen plien na givim laisens. Tasol dispela bai i no inap kamap yet.

Dispela kampani i gat nem long PNG na em i wanpela kampani i gat patnasip long China na PNG wantaim. Mipela i no askim ol loko kampani bilong wanem ol i no save laik tromoi mani long dispela kain fiseri. Ol loko manmeri i wokrung wantaim ol Chines bilong wanem ol i gat strong long tromoi mani na masin bilong traun dispela nupela samting.

4. Mipela i gat ol stet ejensi na lo

bilong ol samting we memba bilong Samarai/Murua i askim long en, na ol i ken sekim sapos ol dispela bot i brukim lo o nogat. Long sait bilong brukim lo o bilong fiseris, mi ken tokim dispela haus na ol pipel bilong PNG olsem Nesene! Fiseris Atorit bai karimaut olgeta samting aninit long lo long stretim.

Ol bot na kru bilong ol i no kam long pulim pis tasol. Ol i go tru long olgeta inspeksen wok na bihainim gut lo bilong customs na NAQIA na NFA. Sapos i gat askim long husat tru i mas mekim dispela wok, bilong wanem na i nogat toktok i kamaut pastaim long ol dispela bot i kisim laisens?

5. Em i stap aninit long fiseris lo olsem i mas i gat ol fiseris obsewa antap long olgeta bot i mekim wok traun bai ol i ken skelim wok na bungim infomesen na ol namba bilong skelim. NFA i bin i gat ol obsewa antap long olgeta ol dispela bot. Wanpela tasol nogat. Ol dispela obsewa em ol i kisim trening long Nesene! Fiseris Atorit Obsewa program na ol bot i wok long mekim wok traun long ol hap ol i kisim tok orait long en taim ol i bin sot long bensin na ol i go sua klostu long ailan.

6. Dispela em i wanpela trial fiseri na i mas i gat ol NFA obsewa i stap. Ol bot na ol manmeri i bin go tru long Customs na NAQIA pastaim long ol i kisim tok orait long go pulim pis. Wok bilong NFA em long menesim gut pis bilong mipela. Dispela i karamapim ol fising laisens, ol arapela ejensi i ken stretim ol arapela hevi bilong ol memba.

Ol samting olsem monografi o ol piksa na samting nogut o ol samting i tambu long kam insait em Custom na NAQIA i save go pas long en. Wok bilong NFA em long givim stia tok na lusim ol dispela ejensi i sekim ol bot na ol kru bihainim lo. NFA i bin mekim dispela wok long Lombok taim ol bot i kam insait long PNG na pastaim long ol i go long pulim pis.

I gat ol wok risets i kamap long dispela kain fiseri, tasol i nogat wok traun. Planti ol olgeta ol fiseri kampani i stap nau i wok long pulim pis aninit long dispela wok fiseri we i bin i gat wok traun long bipo long kamapim.

Nogat wanpela kru man o kepten i kisim medikel sekap insait long PNG na ol i no nidim ol wok permit aninit long ol baileterel agrimen wantaim ol arapela fising kampani o kantri. Dispela em ol bot bilong arapela kantri; ol i no nidim wok permit long stap antap long sip bilong ol. Na ol i no i mas inap tok Inglis. Bikos i gat ol lain bilong tanim tok i stap.

Tok orait long dispela kampani i sanap long bikpela save bilong ol long pulim pis long China na ol arapela kantri. Mipela long PNG i nogat dispela wankain save na masin bilong karimaut ol dispela kain bikpela fising operesen. Mipela i nogat inap save na infomesen o ripot long ol namba bilong pis long dispela hap bilong solwara.

Mi laik tokim ol pipel bilong PNG olsem bai i nogat pis agrimen we bai i bagarapim solwara bilong yumu.

NFA bai i mekim wok bilong em long ples klia aninit long lo na pipel bilong dispela kantri. Nau mi laik pinisim dispela toktok.

Tenkyu Mista Spika.

Taim bilong ol manki Morobe



• Nau bai sans bilong lukim Dadii Gii i pairapim musik bilong laiv musik konset.

Neville Choi i raitim

DISPELA Sarere i kam bai de bilong ol manki Morobe insait long musik industri.

Tupela long ol biknem musik man bilong Morobe husat i wok long mekim nem bilong ol tete bai tro-moi musik bilong ol na provins bilong ol bilong ol man, meri na pikinini wantaim.

Bai yupela klia long dispela tupela manki Morobe bilong wanem tupela wantaim i gat bikpela nem long sait bilong musik.

Armstrong Gomara o planti manmeri i klia long arapela nem bilong em Dadii Gii na Jason Hershey o Oshen bai kukim long Pot Mosbi Kantri Klab long Sarere apinun long namba tu Chin H Meen Video Hits Live musik konset bilong dispela yia.

Long namba wan wiken bilong dispela mun Mas, CHM i bin kamapim namba wan CHM musik konset we ol i soim strong bilong ol musik atis bilong Niugini Ailans rijon. Patti Potts Doi wantaim ben bilong em na Uralom na Leonard Kania wantaim Junior Kopex i bin soim stail bilong Tolai rok.

Dispela Sarere bai sans nau bilong ol manki bilong Morobe long strongim sait bilong ol tu.

Oshen i kam bek lukim ples na kisim sans long

promotim nupela albam bilong en Rising Son. Bai yu gat sans long lukim em pairapim ol bikpela nupela singsing bilong em olsem "Burn it up" na "Karanas".

Dadii Gii yet bai givim wantaim ol singsing bilong em olsem "Iti Bayama", "Kande" na "Mi no bik sot yet" i kam long Dayz of ma Life albam bilong em.

Dispela konset bai i gat ol resis tu bilong ol yangpela. Wanpela resis em CHM i kamapim em long ol yangpela pikinini mas bilas long tumbuna bilas bilong ol na go long lukim konset. Husat pikinini i win tru long bilas bilong en bai i ken winim ol kainkain prais.

Olsem na sapos yu bilong Morobe o yu save indai kirap long musik na ol singsing bilong dispela tupela man, kam long Pot Mosbi Kantri Klab na lukim ol i pairapim long Sarere.



• Nau bai sans bilong lukim Dadii Gii i pairapim musik bilong laiv musik konset.

YUMI FM NATIONAL WEEKLY HITPARADE

Sarere Mas 19, 2005
Twisties i sponsa

Singsing Kande	Musik Atis	Dis Wik
Rosie Marara	Dadii Gii	1
The Way	Sharzy	2
Tropical Fine	Soul Harmony	3
Poroman Lewa	Oshen	4
Mi No Bik Sot Yet	George Telek	5
Meri Wantok	Dadii Gii	6
Emsi	Sharzy	7
Six Pocket	Dadii Gii	8
Veuaku	Pikinini Black Bokis	9
Lala Tora	Pune Kapa	10
Kaspa	Sebeats of Sepoe	11
Sigi Mangi	Rusty Oila	12
Iti Bayama	Grumo Masalai	13
Sore Lewa	Armstrong	14
Kudougu	Sharzy	15
Dimigura	Vanessa Quai	16
Mi No Bin Tok	Bits & Pieces	17
Lili	Dadii Gii	18
Jombie Kunex	Itambu	19
	New Painim Wok	20

Alotau danis wantaim Potts na Quakes ben

LIKLIK aislip taun bilong Alotau i bin kirap na danis las wiken taim namba wan musik man bilong Mosbi, Patti Potts Doi na ben bilong em i bin go long pilai tupela de long helpim resim mani bilong Red Cross.

Ol manmeri bilong taun i broom i kam long lukim Potts na Ben bilong em pairapim ol musik na singsing ol i save harim long radio na TV tasol. Ol i lukim na harim singsing bilong Quakes, Potts, Neil John, Kabu Rita na Shutdown we i bin save pairap long 10-pela yia i go pinis.

"Tupela de bilong ol so i bin lukim planti bisnis na lokol komyuniti hia, planti long ol i no bin gat sans long lukim Patti Doi i-pilai laiv long wanpela konset," Lydia Mascord, wanpela bikmeri bilong Alotau Taun i tok.

Lydia em i Eksekutiv Produa bilong Studio B37 long Alotau. Potts na ben bilong en i bin askim Lydia long givim ol spika na arapela masin bilong pilaim musik na mekim saun enjiniring bilong ol so bilong em.

Ben i bin pundaun long Alotau long las wik Fraide moning na komiti i go pas long fanresing bilong Miss Alotau Stevedoring, Relvie Eremas i bin stap long tok welkam long ol.

Relvie em i wanpela long 7-pela yangpela meri husat i resis long Miss Alotau Pageant resis na bai ol i resis long makim Milen Be insait long Miss PNG Quest 2005 long Pot Mosbi long dispela yia.

Ol arapela meri insait long dispela resis em Miss Bwana Bwana - Maryanne Diudi, Miss Masurina Lodge - Jemimah Dickson, Miss LTS (Lilly Tiripu, Tupagogo and Sons) - Memosa Bayagau Mark we wanpela famili long Alotau i makim em, na Miss Walters Workshop - Aida Emogana, Miss H.E.R (Heavy Equipment Repairs) Belinda Ale na Miss Yato's Furnitures - Mary Roy.

"Miss Alotau Stevedoring Fundresing komiti i hat wok tru long lukim Relvie Eremas i winim Miss Alotau resis taim ol i tokaut long bikpela krauning nait long namba 16 de bilong mun Epril. Na sapos king Potts yet i kam na soim stail bilong em, komiti bilong Relvie bai i klostu luksave long driman bilong ol," Lydia i tok.

Bikpela fanresing bilong Miss Alotau Stevedoring em wanpela bikpela kaikai na danis las wik Fraide nait insait long Nawai Construction kompaun ausait tasol long taun.

"Bisnis komyuniti bilong Alotau i soim tru spirit bilong ol taim ol i sapatim dispela samting," Lydia i tok "Planti manmeri tru i bin kamap wantaim ol famili na pikinini bilong ol."

Bikpela samting tu long soim strong bilong musik bilong Potts em namba bilong ol Niugini Ailans man-



• Patti Potts Doi

meri i stap insait' long provins.

Ol manmeri i kam long ol longwe ples olsem Baniara, East Cape na planti i kam long ol arapela long we hap olsem Sagarai na wanwan i kam long ol ailan long lukim Potts pilai.

"Planti manmeri i kam long ausait long taun i tokim mi olsem ol i bin harim long Yumi FM olsem ben bai kam pilai na planti manmeri bilong Baniara na Sagarai i bin ron long taim long rot long lukim ben i pilai."

Long ausait konset long Nawai ples, Potts na ben bilong em i pairapim ol singsing olsem Lulu, Amari Ute, Pata Wavirvir na planti long ol arapela musik hit we planti Papua Niugini manmeri i save gut long ol pinis.

"Alotau i laikim tru musik bilong Patti Doi na wanwan taim long konset i luk olsem musik i kamap long wanpela radio rikwes program taim ol manmeri i danis i wok long singaut na kolim nem bilong ol fevret singsing bilong ol. Na ben tu i bihainim tasol laik bilong ol manmeri," Lydia i tok.

"Mi ting olsem Lulu em singsing bilong bipo na bai i no inap kisim planti askim, tasol em wanpela singsing we ol manmeri i bin indai kirap long en," Potts i tok. "Mi no tingting planti long dispela. Ol i laikim, na ben bilong mi i pairapim tasol."

Potts i tok tenkyu tu long ol Sponsa, Miss Alotau Stevedoring Fundraising komiti long askim em na ben bilong em long go pilai long 'Paradais' taun. Em i tok em i amamas tru na ol manmeri bilong Alotau em ol gutpela lain tru.

Em i tok taim em wantaim ben bilong em i kamap long Fraide moning, ol i kirap nogut long lukim ol posta i stap nabaut long taun pinis



Ol meri i resis long Miss Milne Bay Quest: (lep-han i go long rait) Mimousa Mark-Tiripu Tupagogo and Sons Ltd; Mary Roy (Miss Yato'o Furniture); Maryanne Diudi (Miss Raven Real Estates); Belinda Ale (Miss Heavy Equipment Repairs); Aida Emogana (Miss Walters Workshop); Jemimah Dickson (Masurina Ltd) na Relvie Eremas (Miss Alotau Stevedoring). Foto: PAUL MAOLAI



PASIFIK NIUS

Amerika i no sapotim Kyoto triti

Pasifik - Amerika i tok strong gen olsem ol i no inap long bihainim Kyoto Climate Change Treaty taim ol minista bilong 20 kantri i go bung long London, Ingran long wanpela kibung bilong Global warming.

Wokman bilong Amerika James Connaughton i tok olsem ol mak Kyoto Protocol i putim i no gat gutpela as bilong em. Em i tokim BBC olsem dispela taget triti i tok long Amerika long bihainim i bai bagarapim kantri bilong ol. Dispela bai i senisim olgeta enesi fektori bilong ol i go long narapela kantri na bai i gat ikonomi na wok ifekt.

Britain i takolim dispela global warming olsem namabwan tingting bilong em insait long dispela grup bilong 8 indastriael nesen Praitim Minista Tony Blair i tok olsem sapos Amerika i sapotim dispela bai em i gutpela diplomatik salens tru.

Auckland i stap namba 8 long Wol

Nu Silan - Wanpela wolwaid sevei bilong kwaliti bilong laip i putim Auckland namba 8 wantaim Sydney, Bern na Copenhagen. Geneva na Zurich long Switzerland i stap nambawan long Wol top-skorin siti na Vancouver na Vienna i stap wantaim long namba tri ples.

Dispela wok painim aut i save kamap long painim wanem siti i gat gutpela politikel, sosol, ikonomi, envaironmen, helt, edukesen, trenspot, na narapela pablik sevis long ol laif bilong ol manmeri.

Baghdad siti bilong kantri Irak i stap las ples bilong dispela lis.

Solomon Ailan PM rausim minista

Solomon Ailans - Minista bilong Polis bilong Solomon Ailans polis Michale Maina i pinis long kabinet bihain long Praitim Minista Sir Allan Kamekeza i kisim tok orait long Gavana Jenerel long rausim em.

Dispela senis i bin kamap bihain long minista i bin kamapim nem nogut insait long kabinet. Sir Allan i no makim wanpela nupela minista bilong polis yet.

Bensin i pinis long Rarotonga

Cook Ailans - Ol United Nations (UN) wokman bai i go bek long Samoa bihain long nogat bensin bilong balus long ailan long las wik. Na tu bai ol i no inap long go long Pukapuka na Nasau.

Tasol ofis bilong Cook Ailan praim minista i rikuest long wanpela UN wokman long stap bek na halevim disainim long tem rihabilitesen plan bilong kantri.

Ol dispela wokman bilong Un i stori olsem ol i laik flai i go long Pukapuka tasol ol i kisim tok-save olsem bensin i pinis.

Meri obseva long Tonga ileksen

Fiji/Tonga - Tupela mauseri bilong Fiji Nesenei Kaunsel ov Wimen bai i go long Tonga long dispela wik long wok olsem ileksen obseva. Ol i bin kisim invetesen long Langafonua a' Fafine Tonga.

Long dispela Tonga Nesenei Asembli ileksen bai i gat 5-pela meri insait long 60 man resis long 9-pela sia bilong Tonga legislativ asembli. Ileksen supavaisa bilong Tonga Pita Vuli i tok 65,000 pipel i rejista long vot long dispela ileksen.

Nius i kam long PACNEWS

WOL NIUS WOL NIUS WOL NIUS



WOL NIUS WOL NIUS WOL NIUS

Ol polis long Filipins i helpim wanpela gad bilong kalabus i go insait long wanpela ambulens bihain long wanpela paitman husat polis i billp i bilong pait grup Abu Sayyaf i bin pulim gan bilong wanpela gan na sutim dai tripela opisal bilong kalabus na bagarapim tripela arapela insait long kompaun bilong kalabus long Tagiug, Manila. Dispela i bin kamap long Mande. Foto: AP

Kisim Bagarap



Blut Kapsait

Tupela kalabus i kisim bagarap long ol polis long Manila las Tunde long dispela wankain birua olsem antap. Foto: AP/AARON FAVILA

Sanap Was

Wanpela soldia bilong Irak i was long wanpela hap bihain long wanpela ka i bin pairap taim ol paitman i putim bom long en. Foto: AFP/FAH/ALI AL-SADI



Balus Bisnis

Dispela man Australia, Paul Stoddart, i papa bilong dispela nupela OzJet pasindia balus we em i sanap wantaim long Sydney ples balus long Tunde. Ol balus bilong em bai stat ron long Australia long Ogas 2005. Foto: AP/MARK BAKER




Kros Long Graun

Sampela manmeri bilong Saut Korea i singaut long soim bel hat long wanpela bung ausait long fran bilong Embesi bilong Japan long Seoul long Tunde. Planti bilong ol dispela lain i bin bung long hap long soim bel hat bilong ol long toktok bilong Japan olsem sampela ol ailan, ol i kolim Tokto long Korea na Takeshima long Japan, i bilong ol. Tokyo long Japan i tok olsem ol dispela ailan i bilong ol, na Seoul long Korea i tok i bilong ol. Foto: REUTERS/KIM KYUNG-HOON



Stap Turangu


Wanpela imejensi kodineta bilong Yunaitet Nesens (U.N), Jan Egeland, i tok i luk olsem moa long 180,000 manmeri i dai pinis long Dafur, Sudan, long hangre na sik insait long ol 18 mun tasol i go pinis. Long dispela poto wanpela pikinini Sudan husat i nogat hap long stap long en i stap long dispela Aboushouk kem. Foto: REUTERS/NIMA ELBAGIR



• Abaria praimeru skul long Manam i bagarap long maunten paia.



• Wanpela hap ston we i kam long maunten paia.



• Boakure asples i bagarap long paia na pairap bilong maunten paia.



• Ol pikinini bilong Wangem Kem i karim wesan bilong wokim skul.



• Ol pikinini bilong Mengem Kem i redi long skul.




• Ol mama bilong Asuramba Kem Senta i wok long painim paiawut.



• Ol lain bilong Pestodem Kea Senta i amamas long kaikai.



• Kaikai i go long ol pipel bilong Mangem Kea Senta.



• Malala Sekenderi Skul wokim blak-bot bilong ol Kea Senta skul.



• Wirisi ples long Manam kamap das. I no olsem bipo.



• Ol haus sel long Mangem Kea Senta.



• Wanpela yangpela bilong Manam long Kea Senta.
Ol poto: FR. PHIL GIBBS



Laikim Penpren

Nem: Lyn Andrew
Krismas: 25 (meri)
Adres: C/- PO Box 291, Madang, Madang Province
Save laikim: Kukim kaikai, go lotu na singsing long iwaisa.

Nem: Hilda Wasi
Krismas: 19 (meri)
Adres: C/- PO Box 291, Madang, Madang Province
Save laikim: Go long lotu, raun lukim ol ples na kukim kaikai.

Nem: Ely Jimmy
Krismas: 25 (meri)
Adres: C/- PO Box 291, Madang, Madang Province
Save laikim: Kukim kaikai, bungim ol poromeri na raun long ol ples.

Nem: Henrick Henry
Krismas: 25 (man)
Adres: PO Box 4227, Lae, Morobe Province
Save laikim: Pilai spot, ritim buk, harim musik, gaden na ritim pas.

Nem: Dickson Wangim
Krismas: 20 (man)
Adres: Kimbe Auto Marine, PO Box 94, Kimbe, West New Britain Province
Save laikim: Pilai soka, lukim na harim musik, go long wok na go lotu.

Nem: Sawdatu Bagil
Krismas: 23 (meri)
Adres: PO Box TT 634, Tema New Town, Ghana, West Africa
Save laikim: Swimming, go lukim piksa na raun lukim ol nupela ples.

Nem: Stella Malter
Krismas: 19 (meri)
Adres: C/- Werui Catholic Mission, PO Box 107, Wewak, East Sepik Province
Save laikim: Harim musik, tok pilai, pilai voli-bol, basketbol na softbol na go long lotu.

Nem: Maryjayne Tang
Krismas: 16 (meri)
Adres: Arawa High School, PMB PO Buka, North Solomons Province
Save laikim: Danis, harim musik, go lotu, lukim vidio na tok pilai.

Nem: Ruth Marie Sivi
Krismas: 17 (meri)
Adres: Arawa High School, PMB PO Buka, North Solomons Province
Save laikim: Harim musik, ritim buk, go lotu na raun wokabaut.

Nem: Maxine Quentin
Krismas: 16 (meri)
Adres: Arawa High School, PMB PO Buka, North Solomons Province
Save laikim: Skelim musik, go lotu, lukim vidio, mekim pren na go skul.

Nem: Fiona Sakarim
Krismas: 13 (meri)
Adres: PO Box 447, Wewak, East Sepik Province
Save laikim: Ritim Baibel na go lotu.

Nem: Vincent Vali Vlai (Jr)
Krismas: 27 (man)
Adres: Navara Lavi No.1, PO Box 7426, Boroko, NCD
Save laikim: Raitim pas, go lotu, tok pilai na kukim kaikai.



STORI TUMBUNA


LONGTAIM tru wanpela lapun meri, wanpela boi na wanpela dok, ol i stap arere long maunten. Dispela lapun, em man bilong em i dai pinis na em i nogat wanpela man. Dispela boi tu em papamama bilong i dai pinis. Tupela i save stap long wanpela haus na wok wantaim. Dispela dok i kamap long haus bilong tupela na tupela i save givim kaikai na lukautim em gut tru. Olgeta taim ol i save mekim gut long wanpela wanpela na wok wantaim long olgeta de. Taim ol i laik wokim nupela gaden samting, ol i save stat long moning taim tru na kam long haus long apinun tru. Ples ol i stap long en em i bus tru. I nogat gutpela

Dok helpim gut man

ples bilong planti kaikai tru. Dispela ples i gat planti ston na bus tru. Sapos yu wokabaut long dispela hap bai yu lus olgeta. Dispela dok ya em i smat tru. Em i save wokabaut gut oltaim long rot. Wanpela taim ol i go long gaden bilong ol long kamautim taro. Ol i wok long kamautim taro long moning taim tru, samting olsem tu kilok long apinun nau i stat long ren. Ol i bungim olgeta taro na ol i go long wanpela hap bilong sindaun tasol ol i no painim wanpela haus tru. Klostu taim ren i laik stat pundaun, ol i hait anit long wanpela draipela ston i stap klostu long gaden. Em i olsem tudak tru. Ol i tok bai mipela i stap yet, na ol i ting mipela lusim haus na i kam tasol husat bai i go long haus na lukim ol pik. Nau i tudak tru pinis ol i no lukim wanpela ples, nogat tru.

Dispela dok i tok olsem man na i tok; "mi lukim haus na ol pik pinis". Nau yumi mas i go long haus. Yu bai i go olsem wanem? Tupela i tok na dok i bekim tok, lapun meri, holim tel bilong mi na tokim boi long holim han bilong yu. Nau dok i tok yumi go. Tupela i wok long harim dok tasol. Tupela i pret tru. Klostu nau tupela i harim wanpela pik i kra. Olaman ol i kam pinis long haus bilong ol. Dispela ples em klostu long Kumdi insait long Westen Hailans provins. Olsem na nau yet yumi save lukautim ol dok gut. Taim yumi lusim wanpela pik samting o narapela samting dok inap long smelim em na i painim kwik-taim tru.


MT HAGEN



Mi laik rausim pasin bilong dring raun tumas

Dia Lalplain,
 Long potnait bilong mi, ol wantok i singautim mi long go wantaim ol long hotel. Ol i tok long mipela bai dring sampela bia na bihain bai mipela i go long haus piksa. Tasol bihain long ol i dring sampela bia pinis, nogat wanpela long ol i laik go lukim muvi. Nogat. Sampela taim, ol i stap dring inap hotel i pas. Na sampela taim, ol bai go long haus bilong narapela poroman na skruim dring i go. Olsem wanem na mi ken stretim dispela wari bilong mi? Mi pret sapos mi no go dring wantaim ol, bal mi lusim ol pren bilong mi.

Dia Pren,
 Yumi olgeta i laik pren wantaim ol arapela pipel. Yumi belgut sapos ol i laikim yumi. Olsem na planti taim yumi save mekim samting yumi no laikim bikos yumi laik mekim ol narapela pipel amamas.



Em i gutpela samting long mekim ol samting long helpim ol pren. Tasol em i no gutpela samting sapos sapos yumi mas mekim rong o pasin i nogut bilong amamasim ol pren. Sori tumas, i gat planti pipel tumas long PNG i lus long strongpela dring. Tasol sori moa yet long ol dispela pipel i dring long mekim ol pren i hepi. Yu tok olsem olgeta wanwok i save go long hotel. Em i tru? Ating i gat planti olsem yu husat i no laik go tasol i nogat strong long tok nogat.

Planti taim, wanpela o tupela lida tasol i save pulim ol man na ol i go. Na i no long laik bilong ol yet. Nogat. Ating sampela woklain bilong yu tu i laik go lukim muvi. Wanwan man i ting olsem olgeta man i laik go dring. I nogat man i gat strong long sanap na tok narakain. Nogat. Ol pren i no laik harim dispela kain tok. Wanpela we long abrusim dispela kain tok em long hia: yu yet i sanap toktok strong olsem wanpela lida. Long neks potnait, yu sanap na yu toktok strong olsem: "Maski long go long hotel nau nait. Mi laik go lukim piksa. Husat i laik go wantaim mi." Ating bai yu lukim planti pren bilong yu bai go poromanim yu. Tasol sapos nogat wanpela i laik go wantaim yu, maski, yu go yu yet. Maski ol i lap. Bihain long sampela de, yu ken gris wantaim ol long gutpela muvi yu bin lukim na yu


bin amamas tru. Neks taim, ating tupela o tripela i laik go wantaim yu na traim. Na sapos yu traim traim na i nogat wanpela man i laik go poromanim yu, orait, maski. Yu tingting nau.....Tingting gut. Ating moabeta yu painim sampela pren i laik long wok-sop bilong yu, orait, yu go joinim sampela grup long YC o long sios o long spot klab. Sapos yu stap insait pinis long wanpela olsem na ol wanwok i singautim yu gen long go long hotel, yu ken tokim ol olsem, "Sori pren, mi noken. Ol pren bilong mi long hap sait i wetim mi." Mi noken promisim yu, bai yu no lusim sampela pren na wanwok. Tasol maski...sapos oltaim ol i pulim yu long mekim ol kain samting yu no laik mekim, moabeta yu painim sampela arapela kain pren. Gutpela pren i save helpim yu.

Lalplain



Bisnis bilong Groim Diwai insait long PNG - Planim diwai long ol renfores eria

Rot bilong groim sampela long ol bikpela diwai i save groa insait long PNG



Acacia auriculiformis (northern black wattle)

Bikpela nem bilong en: northern black wattle, ear pod wattle o ol i save kolim Akas

Em wanem kain diwai: Liklik i go antap long midium sais diwai i save groa hariap: longpela bilong en i namel long 8 na 25 mita, bikpela bilong namel bilong em inap long 60 cm. Planti taim em i save krungut (na i ken gat moa long wanpela) bikpela stem o namel bilong en na i save gat planti han diwai. Skin bilong en i grey o braun, em i save smut na bihain em i save kamap rap. Longpela bilong ol lip stok we i save kamap olsem lip (phyllodes) em 10 i go inap 18 cm na bikpela bilong namel bilong en i ken go inap 2 na 3 cm. Em i save karim ol sidling wantaim ol liklik kompaun lip. Ol liklik yelo flaua inap long 8cm longpela bilong em i save kamap. Ol prut bilong en i longpela inap long 6 i go inap 8 cm na i gat ol longpela pod wantaim braun sid i gat orens kala bilong en. Em i ken kamap haibrid sapos em i bung wantaim *A. mangium*.

Ikoloji o ples em i kamap long en: Em i save groa gut long ol tropikel nambis ples daun na ol i save groa bihainim ol wara, insait long ol open fores eria, ol bus ples na bihainim ol ples tais. Ol i save groa gut long graun i gat planti wesana long en. Em i ken kamap gut long kain kain graun na wara saplai. Em i save strong moa long ol sisinel klaimet we i gat inap long 2000 na 3000 mm wara na em i save groa strong moa. Mak bilong ples hat we em i save groa gut em namel long 22 na 32 digri sel-sius; em i save groa gut namel long 0 na 700 mita antap long mak bilong solwara. Em i mas i gat strongpela lait na i strongpela win em i birua bilong en.

Groa:
-Em i no strong long groa wantaim long ol liklik grup.
-Taim ol i groa insait long plantasin

bilong mekim wud palp, em bai groa inap long 10 na 12 yia pastaim long em i senis, 15-18m longpela bilong en na 15 i go inap 20 cm bikpela long namel na em i ken mekim namel long 12 na 15 kubik mita wud palp long wanwan hekta long wanwan yia.

-Taim ol i groa bilong paiawut, em i ken mekim inap long 16 tan long wanwan hekta long wanwan yia na i ken kamapim namel long 4600 na 4800 kcal/kg. Ol brens o han diwai na lip i gutpela long liklik paia wut.

Distribusen: Em i save groa insait long Papua Niugini, ol ailan long Torres Straits na noten Australia. Em i go pinis long Myanmar, Thailand, Malaysia, Indonesia na Philippines.

Yu ken yusim long mekim ol dispela samting: Em i wanpela legume we i ken stretim nitrogen insait long graun. Ol i ken yusim long holim pasim graun long taim bilong ren, em i ken strongim bek graun na givim bek gris long en. Diwai bilong en ol i save yusim bilong mekim palp, paia wut, na i gat liklik strong bilong mekim haus, samting bilong kuk na ol sia na tebol. Skin bilong en i gat tannins. Em i no gutpela bilong ol abus o bulmakau na ol arapela animal bihain long namba wan yia. Yu ken yusim long givim ples kol o sed bilong hait long san, mekim kamap tannins o wanpela kain marasin na ol PK o gam bilong kaikai.

Propagesen o rot bilong groim: Planim ol sidling em i gutpela rot bilong groim.

Sid Tritmen: Yu mas brukim skin bilong sid, hat wara em i nambawan rot bilong brukim skin bilong sid.

Menesmen o wok lukautim: katim ol lip na han diwai bilong en o wok pruning, coppicing o groim ol long ol liklik grup, pollarding. Bilong paia wut na palp, planim long 2m x 2m inap long 4m x 4m spesing. Long moabeta coppicing, katim ol stamp long 1m antap long graun. Rausim ol han diwai i stap daun bilo liklik long ol yangpela diwai bai em i ken strongim namel bilong en.

Ol wok agroforestri: Spisis i gat strongpela allelopathic ifek o ol sid o pikinini bilong en i ken bagarap klostu klostu na daunim strong bilong diwai.

Moa neks wik.

McCarthy & Associates (Forestry) Pty. Ltd.
National & International Forest Consultants
mccat@datec.net.pg

"Long kisim tok stia long olgeta wok diwai"

Kopi lusim kopi

...9-pela bod memba bilong CIC lusim wok

SIAMAN bilong Kopi Industri Koperesen (CIC), Pugma Kopi, wantaim 9-pela bilong ol 12-pela bod ov dairekta bilong CIC i risain o lusim wok long wanpela bikpela bung long Lae, Morobe provins las Fraide.

Dispela i bin kamap bihain long sampela toktok we i bin kamap i no longtaim i go pinis long wanpela hap bilong bod husat i bin traim long rausim Mista Kopi olsem siaman na Ricky Mitio olsem sief eksekutiv

opisa bilong CIC.

Kot i bin stopim dispela long kamap bikos em i no stret long ai bilong lo, tasol Mista Kopi i tok olsem dispela tingting long rausim em na Mista Mitio i bin kamap planti toktok, kranki tingting na industri i no sindaun gut.

Em i tok long dispela as ol dispela bod ov dairekta i mekim disisen long risain long bikos ol i pilim dispela hevi i wok long bagarapim sindaun bilong industri.


Lusim wok bilong ol dispela bod ov dairekta nau i opim rot bilong ol lain husat i save stap na

wok insait long industri long tok Inglis ol i kolim ol stekholda, long kamapim ol nupela ileksen bilong ol nupela bod memba.

Ol tripela bod memba i stap yet bai helpim long kamapim dispela nupela bod.

Mista Kopi i tok olsem disisen bilong ol dispela bod memba long lusim wok i bin hat, tasol ol i mas mekim long soim gutpela na stretpela pasin na kirapim gen bilip bilong ol manmeri long bod, industri, ol stekholda na ogenaisesen.

Ol i laik putim industri i go pas, em i tok.



...Ol manmeri na ol lida i wok long paitim tok long ol kain maket long Mosbi olsem i gutpela o nogut. Gutpela long wanem ol manmeri inap kisim liklik mani long buai o smok ol i salim, tasol nogut bikos planti taim dispela ol maket i save kamapim planti pipia we i mekim ples luk nogut. FAIL POTO



Cat® 428D Backhoe Loader

Raising the standards for performance, versatility operator comfort.

More than a machine. A Partner.

The 428D benefits from increased hydraulic performance and operator comfort, whilst maintaining the high levels of visibility, durability and reliability that Caterpillar® Backhoe Loaders have long established in the industry.

- **Engine and Hydraulics** - The Caterpillar® 3054 turbocharged engine is designed for strength, performance and versatility. The load sensing, closed centre hydraulics system provides power where you need it, when you need it.
- **Operator Station** - Style, comfort, superb visibility and ease of operation maximise operator comfort and productivity.
- **Serviceability** - Excellent access and fewer maintenance requirements add up to unparalleled ease of service.

Hastings Deering




PORT MORESBY
Phone: 300 8300
Fax: 325 0141

LAE
Phone: 472 2355
Fax: 472 1477

TABUBIL
Phone: 548 9045
Fax: 548 9155


RABAUL
Phone: 982 1244
Fax: 982 1129



Harim TOK PISIN long
Radio Australia 101.9 FM Port Moresby
Yul 22, 2005
Tok Pisin Service
6am - 7am: 6060; 72400(KHZ)
7pm - 8pm: 5995; 6020; 9710; 1280(KHZ)

PASIFIK NIUS

Oi Pacific kantri mas opim boda long larem pipel i painim wok SEKETERI-JENEREL bilong Pacific Islands Forum Greg Urwin i laik kirapim wanpela Pasifik komynuti we bai i ken opim ol boda bai ol pipel i ken i go kam long painim wok.



• Seketeri Jenerel bilong Pacific Islands Forum Greg Urwin i laikim ol pipel bilong Pasifik bai i mas i gat sans long go kam long painim wok insait long rijon.

Tasol em i tok ol Pasifik lida tu i mas lukluk long tarim ol pipel i fri long muv raun namel long ol Ailan memba kantri.

Mista Urwin i bin mekim dispela ol toktok long Canberra we em i wok long toktok long wanpela Pacific Plan, long staim rijon insait long dispela 10-pela yia i kam.

Dispela plen i tok free movement o fri wokabaut bilong ol pipel i go kam insait long Pasifik bai stap hap bilong trade in services wantaim PICTA - Pacific Islands Countries Trade Agreement.

PNG magistrat bai wok insait long Solomon Islands
PAPUA Niugini na Solomon Islands i sainim wanpela agrimen long larem ol PNG majistret long wok insait long Solomon Islands.

Ananit long dispela tok orait, magistrat services bilong PNG bai trenim ol mejistret bilong Solomon islands. Mandik Kapin bai kamap nambawan

magistrate long wok insait long Solomon Islands.

PNG Chief magistrate John Numapo i tok taim PNG i sot long ol magistrat wok, em i hamamas long halvim Solomon Islands.

PNG igat wantaim agriment wantaim Vanuatu - we 5-pela PNG magistrat i stap pinis long hap.

Solomon PM rausim olpela polis minista long wok

SOLOMON Islands Praim Minista, Sir Allan Kemakeza, i rausim pinis olpela Minister bilong Police na Justice, Michael Maina long wok.

Sean Dorney i ripot pinis olsem wok bilong em i bin kamap 'official' long Mandé pastaim long Sir Allan i lusim Honiara long wanpela lukluk raun i go long Papua New Guinea na Australia.

Michael Maina, long dispela taim i stap long ai bilong kot long bekim ol sas i go long em long stilim moa long 150 tausen United States dola, wanpela kampani i bin salim i go long wanpela benk account aninit long nem bilong em.

Sir Allan i bin muvim em aut long ministri sampela wik i go pinis na i bin wetim em long risain.

Tasol Mista Maina i no bin laik pinis wok

Wanpela toktok i kam long Solomon Islands Gavman i tok Sir Allan i bin tokim Mista Maina insait long wanpela pas long Mandé olsem ol sas i daunim gutpela nem bilong Nesenei Kolisin Gavman na em i askim Gavana Jenerel long pinisim Mista Maina long wok.

Aste, long Pot Mosbi, Sir Allan i bin sainim wanpela Developmen Koporesen Agrimen wantaim Papua Niugini Praim Minista, Sir Michael Somare, na tete em bai i go lukim ol dokta long Brisbane.

SI polis askim Sios long painim man i kilim Sir Frederick
POLIS Sief insait long Solomon Islands, Sandi Peisley, i singaut long

ol sios insait long Malaita long helpim long kisim wanpela man na givim em i go long ol bai ol i ken sasim em long kilim indai olupela polis komisinia, Sir Frederick Soaki long 2-pela ya i go pinis.

Oi ripot i tok dispela saspek, wanpela polis man bipo, Edmund Sae, i stap hait long Malaita ailan. Commander Peisley i bin mekim dispela 'appeal' oa toktok insait long ol bung toktok wantaim ol sios lida long Auki taun bilong Malaita, long tok olsem Mista Sae i gat rait long sanap long kot na bekim dispela ol sas. Oi i bin kilim dai Sir Frederick insait long Auki long 2003.

Kalumburu taun long Western Australia i bungim Cyclone Ingrid
INSAIT long Kalumburu komynuti bilong West Australia, ol pipel nau i pilim ol strongpela win na ren bilong Cyclone Ingrid.

Dispela cyclone, em ol i makim olsem category five i bin abrusim nambis long samting olsem 60 kilomita i go long noten sait bilong taun, na namel stret bilong dispela bikpela raun win nau i stap klostu long dispela liklik taun.

Oi pipel i banisim ol gut insait long haus bilong ol taim strong bilong win, em i ron moa long 200 kilomita long wan wan aua i ron hamarim eria bilong ol.

WOL NIUS

Oi kalabus long Philippines i kamapim bikpela pait
INSAIT long Philippines, strongpela tingting poret i stap strong yet - biahinim wanpela pait namel long wanpela tain kalabus man na ol woda i wok long i go het - maski i gat sampela bilip olsem polis i mas grisim pinis bel bilong ol dispela kalabus man long lusim ol samting bilong pait.

Ripot i tok samting olsem 10-pela man i dai pinis insait long Camp Bagong Diwa haus kalabus biahin long ol lain kalabusman i bin pulim ol samting bilong pait long han bilong ol gad na sut nambaut long taim bilong sekim long moring.

Oi i bilip olsem 10-pela long ol kalabus em ol i mas ol memba bilong Abu Sayaff Islamic separatist grup, husat i bin pairapim pinis sampela ol bom raun long Philippines na ol i save wok poroman wantaim ol Al Qaeda teroris.

Hetman bilong polis insait long Manila i tok ol dispela lain kalabusman i go pas long kamapim despela birua i wanbel pinis long lusim ol samting bilong pait. Oi i laikim kot i mas hariap long harim kes bilong ol - na ol i laik ol i stretim gut ol ples bilong slip na kaikai insait long haus kalabus.

Tasol Philippines Interior Secretary Angelo Reyes i tok, ol lain polis na sekjurit fos i wok long i go het long sanap banisim haus kalabus.

Malaysian PM tok, kantri bilong em bai inoken kisim wanpela Indonesia

PRAIM Minista bilong Malaysia, Abdullah Ahmad Badawi i tok Malaysia bai i noken kisim wanpela or sampela hap graun long han bilong kantri i stap klostu long en olsem long Indonesia na em bai banisim strong ol rait bilong ol teritori Malaysia i lukautim. Mista Abdullah i bin mekim dispela toktok - biahin long Indonesia i bin salim 7-pela ol Navy frogmen i go long wanpela liklik hap rap insait long wanpela hap eria tupela kantri i wok long kros long en.

Praim Minista i bin tokim Bernama news agency olsem, Malaysia i nogat plan long rausim wanpela hap teritori long han bilong Indonesia na i tok, em bilong en, tasol em i tok kantri bilong en bai banisim strong ol hap teritori bilong Malaysia.

Abdullah i tok Malaysia i nogat tingting long kamapim wanpela woa - na sapos em i gat kain tingting olsem - em bai autim ol

strongpela belhat toktok bilong soim olsem em laikim wanpela woa.

Indonesia na Malaysia i bin pasim tok long las trinde long yusim ol mausman or diplomatik opis bilong tupela bilong pinisim dispela kros.

Oi tingting kros i bin kamap biahin long wanpela oil kampani bilong Malaysia i bin givim Oil exploration rights insait long despela hap eria tupela kantri i wok long kros long en i go long wanpela bikpela Oil kampani - Shell.

Indonesia na German scientists bai wokim wanpela tsunami warning sy

OL LAIN saintis bilong Indonesia na Germany bai stat wokim wanpela sunami woning sistem long mun Oktoba bilong dispela yia bilong was long ol sunami olsem dispela i bin kamap long namba 26 de bilong mun Disemba las yia.

Risets na Teknoloji Minista Kusmayanto Kadiman i tok, ol i ting dispela project em i kos 60 million US dollar bai kisim tripela yia bilong pinisim.

Insait long namba wan hap bilong wok, ol bai stat sanapim, 25 seismo-mita na 10-pela global posisening sistem stesen.

Kadiman i tok Indonesia bai wok bung wantaim ol narapela kantri insait long Indian Ocean bilong girapim wanpela integrated sunami woning sistem.

Russia i sapotim lo bilong China Palamen long i go paitim Taiwan

Russia i bin tokaut olsem em i sapotim wanpela lo em palamen bilong China long agree long en bilong China i go paitim Taiwan, sapos em iwok long i go het strong long kisim independence.

Russia em i gutpela na klostu pren bilong China long planti samting i bin tok, Russia i no sapotim Taiwan i kisim indpendens. Palamen bilong China or China National People Congress ibin oraitim wanpela lo wantaim strongpela sapot bilong 2,896 votes na inogat wanpela ibin agensim .

Taiwan i bin askim one million Taiwanese long bung bilong protest agensim dispela lo taim America na Japan i bin autim wari bilong ol.

RADIO TOK PISIN PROGRAM
TUNE IN: 101.9 FM

Radio Australia Tok Pisin Program - stat long mun
Mas 2005

MANDE	
Moring	Stesen Op - Nius na Karen Afeas 6.30AM Oi Hetaian - Musik na Chat 6.55AM Hetaian na Musik 7AM Stesen Pas
Nait	Stesen Op 7PM Oi Hetaian na Program Privu 7.01PM Musik na Chit-Chat 7.15PM Nius na Karen Afeas 7.30PM Nius na Karen Afeas 8PM Hetai 8.15PM Musik 8.30PM NIUS 8.40PM Spots Riplei 8.55PM Musik 9PM Stesen Pas
TUNDE	
Moring	Stesen Op - Nius na Karen Afeas 6AM Nius Hetaian - Musik na Chat 6.30AM Hetaian na Musik 6.55AM Stesen Pas 7AM
Nait	Stesen Op 7PM Oi Hetaian na Program Privu 7.01PM Musik na Chit-Chat 7.15PM Nius na Karen Afeas 7.30PM Marna Graun 8PM Musik/Spots 8.15PM NIUS 8.30PM Hetai Riplei 8.40PM Musik 8.55PM Stesen Pas 9PM
TRINDE	
Moring	Stesen Op - Nius na Karen Afeas 6AM Oi Hetaian - Musik na Chat 6.30AM Hetaian na Musik 6.55AM Stesen Pas 7AM
Nait	Stesen Op 7PM Oi Hetaian na Program Privu 7.01PM Musik na Chit-Chat 7.15PM Nius na Karen Afeas 7.30PM Focus 8PM Musik/Spots 8.15PM NIUS 8.30PM Marna Graun Riplei 8.40PM Musik 8.55PM Stesen Pas 9PM
FONDE	
Moring	Stesen Op - Nius na Karen Afeas 6AM Oi Hetaian - Musik na Chat 6.30AM Hetaian na Musik 6.55AM Stesen Pas 7AM
Nait	Stesen Op 7PM Oi Hetaian na Program Privu 7.01PM Musik na Chit-Chat 7.15PM Nius na Karen Afeas 7.30PM Youth 8PM Musik/Spots 8.15PM NIUS 8.30PM Focus Riplei 8.40PM Musik 8.55PM Stesen Pas 9PM
FRAIDE	
Moring	Stesen Op - Nius na Karen Afeas 6AM Oi Hetaian - Musik na Chat 6.30AM Hetaian na Musik 6.55AM Stesen Pas 7AM
Nait	Stesen Op 7PM Oi Hetaian na Program Privu 7.01PM Musik na Chit-Chat 7.15PM Nius na Karen Afeas 7.30PM Wantok 8PM Musik 8.15PM NIUS 8.30PM Youth Riplei 8.40PM Musik 8.55PM Stesen Pas 9PM
SARERE	
Moring	Sotwev i pas long san na long nait i save kamap 2 minit pastaim long wanwan aua. Biahin i gat musik na promo i go inap long olgeta aua na lusim FM siknel.
Nait	Stesen Op 7PM Oi Hetaian na Program Privu 7.01PM Musik na Chit-Chat 7.15PM Nius / Wantok Riplei 7.30PM Serah (Famil bilong Serah) 8PM Musik 8.15PM NIUS 8.30PM Musik na Chit-Chat 8.40PM Musik 8.55PM Stesen Pas 9PM
SANDE	
Moring	Sotwev i pas long san na long nait i save kamap 2 minit pastaim long wanwan aua. Biahin i gat musik na promo i go inap long olgeta aua na lusim FM siknel.
Nait	Stesen Op 7PM Oi Hetaian na Program Privu 7.01PM Musik na Chit-Chat 7.15PM Nius / Serah Riplei 7.30PM Rivu 8PM NIUS 8.30PM Musik na Chit-Chat 8.40PM Musik 8.55PM Stesen Pas 9PM

TOKSAVE: YU KEN HARIM RADIO AUSTRALIA TOK INGLIS LONG 24 AUA 7 DE LONG WAN WIK.

Luksave long mipela husat i wok long ABC Radio Australia..



John Papi
Provins bilong John em long West Sepik o Sandaun, we emi skelim boda wantaim Papua Provins bilong Indonesia.

Kenya Kala
Kenya i kam long Central Province. Em i wanpela meri memba tasol bilong Tok Pisin sevis.

Paulus Kombo
Paulus ikam long Southern Highlands Province bilong Papua New Guinea. Nem bilong en i bigpela long Radio Australia long we em i save presentim "Tubuna Ston".

Pearson Vetuna
Pearson emi Executive Producer bilong Radio Australia Tok Pisin Service. Pearson ikam long East New Britain Province bilong Papua New Guinea.

Pius Bonjul
Pius i kam long East Sepik provins, na ino long taim igo pinis i produsim gavaness sins "Taim Bilong Toktok". Em nau lukautim niupela "Yut Forum".


Warlum Benson
Warlum, husat i kam long East New Britain Provins, i wanpela long ol pipal husat i bin statim PNG sevis bilong Radio Australia long 1974.

Douglas Gabb
Doug, husat i bilong Madang Provins long Papua New Guinea, i save produsim na presentim wanpela program bilong susten-abal developmen ol kotim "Mama Graun".

Peter Jonah
Peter i kam long Rabaul long East New Britain provins. Em i save wokim program "Wantok Long Australia", we em i save toktok wantaim ol wantok bilong PNG.



ABC RADIO AUSTRALIA TOK PISIN



• AFL PNG sif divelomen opisa Scott Reid (l) i holim K20,000 palakad sponsasip sek mani wantaim SP Brewery jenerol menesa Nigel Yeo. Foto: PAUL ZUVANI.

NCD Praivet Kampani Netbol Mesa Semi Fainol

Sande 20, 2005
 Rita Flynn Kot
 Taim- 11:00
 Tim Kot
 CENTURY 21 vs POSF 2
 AIR NIUGINI vs HERTZ 3
 PRO-CLEAN vs ARNOTTS 4
 PNG PRINT 3 vs CUL. DELIGHT 5
 Taim- 12:00
 CANON DATEC vs QBE 2
 WPC ASKONCE vs LAMANA 3
 WPC HANDYPAY vs MEDDENT 4
 STC SHIPPING vs S P BREWERY 5
 Taim- 13:00
 BAT vs BSP 2

DALTRON vs SP BREWERY 3
PNG PRINT 1 vs OSL 4


Toksava: Plis ol tim i mas save olsem wanwan hap bilong pilai bai kisim 15 minit long pilai.

Pot Mosbi Kriket Gren Fainol Amini Pak

Sarere na Sande 19-20/3/05
 A Gret Divison
 Taim Tim
 10:00 Oil Search Hoods vs BNG Poreporena
Toksava: Long Sande bai i gat presentesen bilong wina bilong wanwan ol divison- A gret, B, anda 19, 17 na 15 na bilong ol meri wantaim presentesen bilong wanwan ol pilaia. Bai i gat sampela bikman i kamap long givim ol presen na givim ol tok-tok wantaim.



• De La Salle Andra 16 soka tim long Pot Mosbi Skul Boi soka kompetisen long Sir John Guise Stedum. Foto: ANDREW MOLEN.



• SP Brewery jenerol menesa Nigel Yeo i sainim sek mani long AFL PNG.



ROYAL PAPUA NEW GUINEA CONSTABULARY

TOK SORI I KAM LONG OPIS BILONG EKTING POLIS KOMISINA

Long makim ol famili na memba bilong Royal PNG Konstabulari, mi laik salim bikipela tok sori i go long ol famili na hauslain bilong leit **Konstabol 10017 Aloysius Seren** na **Probeseneri Konstabol 13223 Keare** husat i bin dai taim kar eksiden long Fonde namba 10 de bilong mun Mas 2005.

Mipela olgeta i serim sori na bel krai wantaim yupela long dispela taim bilong dai bilong brata, pren na wanwok bilong mipela.

Dispela tupela memba i bin sevim na wok long RPNGC inap long 20 yia na 9-pela mun.

Bai mipela ol pren na wanwok i tingim ol gutpela wok bilong tupela we i givim long Polis Fos na kantri.

Tupela bai i kisim gutpela malolo.

Gari L. Baki OBE O.St.J
Ekting Komisina bilong Polis



• B Mobil soka tim long NCD Pablik Sevens soka.



• Pot Mosbi Soka Asosiesen prisisen soka

JAMES KILA i stori long tupela musikman husat i kirapim das long Goroka.

Straky na Banag helpim long kamapim spot mani

TUPELA biknem musikman long kantri, Straky wantaim narapela bagaros bilong Wali kantri long Madang Luke Banag i bin kukim stret Goroka long las wiken insait long wanpela konset long resim moni long salim ol spotmanmeri bilong Isten Hailans long go pilai insait long Arafura Gems long Darwin, Australia.

Dispela konset i bin kamap long ilas wik Fraide na Sarere long Goroka YC na i tukim planti manmeri i go insait long lukim ol dispela musik atis in pilai musik bilong ol.

Moni ol i kisim long dispela konset bai helpim long salim ol spots tim bilong Isten hailans husat bai makim kantri long spot bilong netbol, basketbol, bouling, tas ragbi bilong ol meri na boksing.

Tupela kodineta bilong Isten Hailans fanresing komiti bilong Arafura Gems, Kerry Flynn na Paula Amos i tokim Wantok Spot nius olsem nau yet ol i wok long trai hat long resim moni na nidim bikipela sapat long ol bisnis komniti long Isten Halans long helpim ol long dispela.

Flyn i tok olsem dipela koset i bin inap kamap long pinsin bilong las yia tasol wanpela hevi we i kamap namel long ol loan bilogn Westen Hailans na isten Hailans i mekim na dispela i no kamap. Olsem na ol i surikim dispela konset i kam long dispela yia.

Mos Flynn i tokim Wantok Niuspepa olsem dispela konset em wanpela bikepla fanresing smaitn ol i mekim long traim helpim ol long bungim inap



• Tupela biknem musik Luke Banag (rait) na Straky (sindaun klostu long Banag) i kirapim das wantaim ol singsing bilong tupela long resim mani bilong Isten Hailans Provins tim long go long Mei, 2005 Arafura Gems, Australia. Ol foto: JAMES KILA



• Eddie Elias (lephan) na Lista Laka i bin kamap long helpim tu long kirapim skin bilong ol lain Goroka long las wik.

moni na salim tim i go long ol pilai.

Straky i bin mekim ol liklik manki na ol yangplea long Fraide na Sarere i skin kirap stret taim em i pairapim ol namba bilong em olsem Ailan Gel na ol narapela moa. Em i soim tu sati bilong em long stes wantaim tuela bekap singa bilogn em taim em i pairapim tupela namba bilong Dadii Jii olsem 'Mi no biksot yet' na 'Iti Biyama.'

Luke Banag dispela bagaros bilong Danben ples long Madang i kukim ster long stes wntim ol bikipela namba viikong em olsem 'Moden Wali', 'Raun long Haiwe' na 'Hangu Bangbang. Banag i save pilai bipo olsem franmen bilong grup Junior Wali Hits, husat i bin kamaut wantim ol naispela song olsem 'Banis bilong papa' Pensil i buruk' na 'Moimois Medley.'

Planti ol manmeri husat i bin go long dispela konset i amamas tru long lukim na harim ol dispela lain i pilai long stes.

Ol i bin gat gutpela sona tu lng lukm ol sampela biknem musikman bilong kantri i pilai insait long dispela CHM Supeasaun Ben.

Sampela bilong ol dispela biknem

musk man em Dika Dai, Lista Laka, Douglas Lamo, George luff na Max Meauri.

Sampela ol lain bilong ol distrik long Isten Hailans i bin go long Goroka taun na peim moni long go lukim dipsela kosnet. Wanpela tisa husat i save tis long Kage Komyuniti Skul, Eob Auri Eka i bin amamas tru taim em kism liklik pikinini boi bilong em Auri long go lukim konset na kisim piksa wantaim Straky.

Ol narapela lain bilng Henganrofi olsem Andrew Kreafa wantiam ol bois bilong em Nason, Kenny Payl Hengs wantaim draiva bilong ol Aki i bin senisim ples bilong taim ol i bin go long Goroka na go insait long YC na helpim long putim maoni long lukim dipsela konset.

Mis Flynn i tok olsem nau yet ol tingting long kamapim narapela konset long mun Epril long bungim inap moni long traim helpim na salim ol tim bilong Isten Hailans long Arafura Gems.

Long dispela yia gen Goroka bai holim gen PNG Provinsel Gems long Oktoba we ol gras rut spotmanmeri bai kamap na soim strong bilong ol.

Goroka lig bai statim prisisen long Ista Wiken

SIR Danny Leahy oval long Lopi strit long Goroka tun bi kirapim nois bilong en gen long dipsela yia stat long taim Goroka ragbi lig i statim gen ol kompetisen pilai bilong en long 2005 sisen.

Prisisen pilai bilong GRL bai stat long Mas 25 na bai ol i pilaim aninit long ruls bilong nains (9s) kompetisen. Dispela nains kompetisen bai lukim olgeta division insait long lig olsem A gret, ol wimens na anda 17.

GRL komiti i tokaut olsem dispela gems bai kamap insait long wanpela wiken. Ol i tok fainol bilong dispela kompetisen bai kamap long namba 5 wiken bihain long ol pilai.

GRL i singaut tu i go long disela 11-pela klab insait long kompetisen long afiliet hariap na peim pilaia registresen fi bilong ol. Taim ol i makim long olgeta klab i peim ol dispela fi em Mas 23. Ol dispela tripela nupela klab husat i soim taik long joinim GRL long

dispela yia i mas redi tasol i stap bikos ol i sapos ol i olupela klab i no rejista hariap orait ol bai kisim ples bilong ol.

GRL i tokaut tu olsem ol i daunim affilisen fi bilong ol i daunim fi bilong ol klab long K1000 i go daun long K500. Tasol husat nupela klab i laik join long dispela yia i ms peim K700.

Singaut i go tu long olgeta klab long peim olgeta pilaia registresen bilong ol, teknikal na opisal bilong ol

i go stret long PNGRFL. Long dispela yia want tripela nupela divison i mas stap long wanwan ol klab.

Wanpela strongpela sapota bilong Sauts Ragbi Lig klab i mekim tok amamas long ol presiden bilong ol klab long Goroka long makim Pat Siwi long holim gen dispela wok olsem presiden.

Em i tok Siwi em i wanpela man bilong hatwok husat i save givim bikipela taim bilong em long lig.



NRL NIUS

Hagan painim pilaia

KOSA bilong Newcastle Knights, Michael Hagan nau i wok long painim ol pilaia bilong kisim ples bilong ol biknem pilaia long dispela wiken bihain long planti biknem pilaia bilong em i kisim bagarap las wiken.

Ol manki bilong Hagan i bin karim bikpela lus tru las wiken long han bilong Melbourne Storm.

Lokol prodak Brendan Worth, wanpela fran rowa bilong Raymond Terrace klab na senta Brad Tighe (20 krismas tasol) bai pilai namba wan NRL gem bilong ol long dispela wiken.

Tighe bai pilai senta na Hagan bai salim bipo intanesenel pilaia Matthew Gidley i go long faivet long senisim Steve Witt olsem patna bilong Andrew Johns long skram.

Long ol arapela senis, Dustin Cooper i lusim risev bens na bai senisim Mark Hughes long fulbek.

Hughes bai i no inap pilai inap long 3-pela wik bihain long em i kisim bagarap long rib bilong em.

Kirk Reynoldson i srak long lok i go long fran ro na senisim Adam Woolnough na Daniel Abraham bai pilai lok.

Hagan yet i tok i no plen bilong em long yusim planti long ol yangpela pilaia. Em i tok em i no bin redi long rausim ol yangpela pilaia long raun 2 tasol.

Tasol em i bilip olsem Gidley na Johns bai strongim pilai bilong Knights long beklain bilong wanem tupela man ya em tupela strongpela difens man tu.

Long arapela nius Newcastle i kisim bek Craig Smith, wanpela bipo biknem pilaia long NRL husat i wok long pilai wantaim Wigan klab long Inglan. Hagan i tok em bai redi long pilai long gem agensim North Queensland Cowboys neks mun.

Raun 2

Fraide, Mas 18 - Canterbury Bulldogs Vs North Queensland Cowboys Yu ken lukim long EMTV long 8.30 long nait.



Sarere, Mas 19 - Canberra Raiders Vs Newcastle Knights



Brisbane Broncos Vs New Zealand Warriors



St George Illawara VS Melbourne Storm



Sande, Mas 20 - Manly Sea Eagles VS Cronulla Sharks



Penrith Panthers VS Sydney City Roosters Yu ken lukim long EMTV long 4 kilok Sande apinun.



South Sydney Rabbitohs VS Paramatta Eels



NRL Poin Lata							
Klab	P	W	D	L	B	P/D	PTS
Storm	1	1	0	0	0	38	2
Bulldogs	1	1	0	0	0	18	2
Eels	1	1	0	0	0	16	2
Broncos	1	1	0	0	0	13	2
Roosters	1	1	0	0	0	12	2
Sharks	1	1	0	0	0	6	2
Sea Eagles	1	1	0	0	0	6	2
Raiders	0	0	0	0	1	0	2
Panthers	1	0	0	1	0	-6	0
Warriors	1	0	0	1	0	-6	0
Rabbitohs	1	0	0	1	0	-12	0
Cowboys	1	0	0	1	0	-3	0
West Tigers	1	0	0	1	0	-16	0
Dragons	1	0	0	1	0	-18	0
Knights	1	0	0	1	0	-38	0

* P: Pilai, W: Win, D: Dro, L: Lus, B: Bye, P/D: Poin Diferens, PTS: Poin

Top 10 poin skora

Pilaia	Tim	poin
1. Matt Orford	Storm	16
2. Hazem El Masri	Bulldogs	14
3. Darren Lockyer	Broncos	12
4. Billy Slater	Storm	12
5. Luke Burt	Eels	8
6. Dustin Cooper	Knights	8
7. Matt Cooper	Dragons	8
8. Luke Covell	Sharks	8
9. Scott Donald	Sea Eagles	8
10. Craig Fitzgibbon	Roosters	8



• Bikpela fowet bilong Bulldogs Mark Omeley i tingim bodi na putim asi long lek.

Hunt sapatim Bott

NAMBA wan yangpela pilaia bilong Brisbane Broncos, Karmichael Hunt i wok long sapatim nupela yangpela pilaia long tim Leon Bott bihain long em i no skorim wanpela trai las wiken long gem agensim North Queensland Cowboys.

Bott i bin pilai namba wan gem bilong em long fes gred las wiken tasol em i no amamas olsem em i no putim wanpela trai o mekim gupela pilai.

Bott i stap long hai skul yet na dispela namba wan gem bilong em i bin wanpela bikpela samting tru long em na famili bilong em. Em i bin ting olsem em bai skorim wanpela trai tasol nogat.

"Mi no kisim planti bal," Bott i tok.

Tasol Hunt, wanpela arapela yangpela blut bilong Broncos i sapatim em tasol.

"Em i pilai gut na em i mekim wok bilong em las wiken," Hunt i tok. "Mi bin stap long wankain rot las yia na mi save."

Hunt i tok olsem olgeta manmeri nau i save long spit bilong Bott, tasol em i no bin i gat sans long kukim long sailtain.

Kosa bilong Broncos i tok em i gat bilip long yanpela Bott. Na em i tok tu olsem em i amamas long ol arapela pilaia bilong Broncos i kam bek long dispela yia olsem Brad Thorn na Justin Hodges.

Pilaia kros pait long referi

ASOSIESEN bilong ol ragbi lig pilaia insait long NRL nau i wok long kros pait i stap wantaim ol refri bilong NRL bihain long refri Sean Hampstead i bin lusim Cowboys pilaia Nathan Fien i stap long fil taim het bilong em i bruk na blut i ron.

Presiden bilong Ragbi Lig Pilaia Asosiesen Tony Butterfield i tok ol pilaia yet bai straik na lusim fil namei long pilai sapos ol refri i no luksave long dispela kain ol hevi ol i save bungim.

"Bihain taim, sapos refri i no inap long stretim dispela kain hevi, ol pilaia yet bai lusim fil na pilai inap ol i stretim," Butterfield i tok.

Bosman bilong ol NRL refri, Robert Finch i givim strongpela tok lukaut long ol refri tu olsem ol i mas tingim ol pilaia tu taim gem i on.

Butterfield i tok olsem dispela kain samting i ken karim sik na ol arapela pilaia i save wari long dispela samting tu.



• Pilaia bilong Dragons long taim ol pilai wantaim Bulldogs.


Bret Kimmorley bai i no inap pilai long raun 2

KEPTEN bilong namba 68 minit bilong gem las wik Brett Kimmorley Sarere. Wan pilaia bai no inap pilai bilong em Danny Nutley i bin agensim Manly bihain long em i tokaut olsem em yet i rong taim em i mekim wanpela hai takol las wiken.

Kimmorley i kisim mekimsave inap long wanpela gem. Em i bin mekim hai takol long Luke Rooney bilong Penrith long mekim wanpela hai takol tu.



WANTOK Spots



Paitman mas tren hat

...sapos em i laik kamap sempion: Yura

Andrew Molen i raitim

WANPELA sinia na intenesenol paitman bilong kikkoksing, Gabbie Yura i singaut i go long ol kikkoksa bilong Lae olsem ol i mas tren hat sapos ol i laik pait gut na win long dispela spot.

"Mi yet wanpela manki bilong Lae tasol nau mi stap trening long Pot Mosbi. "Mi laik toksave long ol manki bilong mi long hap olsem yupela i mas trening strong na redi long pait long ol tonamen," Linstan Andy husait i makim maus bilong Yura husait i yau pas na i no save toktok, i tok. Em i tok Hailens rijinol kikkoksing tonamen we bai kamap long Goroka i kam klostu nau olsem na ol i mas trening strong. "Ol man, meri, liklik i go bikpela, yupela olgeta i mas tren strong na kam long Goroka long pait," em i tok.

Yura i tok long Pot Mosbi we em i stap na trening long en, em i lukim olsem ol manki i trening hat tru na ol i redi tasol long bungim ol paitman bilong hailens rijen na ol narapela hap long kantri long Jun.

Em i tok dispela tonamen em i wanpela strongpela wan stret olsem na ol paitman-meri i mas redim ol yet gut.

Yura i sutim toktok bilong em i go long ol sinia paitman bilong Lae klab olsem John Wai na Thomas Kagil long go pas long ol narapela.

"Mi yet olsem wanpela sinia bilong klab, hap blut bilong mi long hap tu na Lae em i we mi bikpela na lainim pait bipo mi kam long Pot Mosbi olsem na mi tingim ol lain long hap na mi laikim bai ol manki bilong mi i trening hat na kamap long Goroka," Linstan i tok bilong Yura.

Yura i tok em yet i redi long bungim PNG sempion John Kwiwa long dispela tonamen na em i lukfowet tasol long dispela pait.

Yura husait kismas bilong em i 26 nau i bikpela long Lae we em na Stanley "the Head Hunter" Nandex i bin lainim Kakafuse Kung Fu wantaim bipo long ol i kam long Pot Mosbi.

Taim em i liklik em i bin stap wantaim



**Em nau... Ol manki AFL PNG i amamas long soim bal bihain long SP Brewery i givim AFL PNG K20,000 spon-
sasip long lig i ken helpim long ronim developmen program bilong em na ronim ol pilai bilong em. Long dispela
mani K10,000 bai go long developmen program na narapela bai go long salim PNG Mosquito tim i go long wol kap
bilong long Melbon, Australia bihain long dispela dispela yia. Dispela sponsasip i kamap long las wik long SP
Brewery, Gordons. Foto: PAUL ZUVANI.**

Kyokusin Karate we em i save pait tu long ol tonamen bilong ol.

Yura i gat planti eksperiens long pait we i lukim em i pait insait long ol ful-kontek o ring karate, kikkoksing na Muay Thai o

Thai boksing long PNG na tu long ovasis. Long wankain taim PNG kikkoksing asosiesen i tokaut olsem dispela hailens rijinol kikkoksing taitols we bai kamap long Goroka em ol i surukim i go long Jun na

em bai i no long Mas 25-26 olsem ol i tok bipo.

Yura tu i laik bihainim lekmak bilong sempions kika Stanley Nandex.

BSP bungim BAT long Praivet Kampani netbol kompetisen

Paul Zuvani i raitim

BANK Saut Pasifik i redi long bungim BAT maski em i nogat ol eksperiens pilai, kepten bilong BSP netbol tim Medline Lek i tok taim tim bilong em i go insait long mesa semi fainol pilai bilong Pot Mosbi Praivet Kampani netbol pilai long dispela Sarere.

Em i tok em i save long wei BAT i pilai na bai askim ol pilai bilong em long mekim olgeta samting long stopim ol.

Mi gat Renagi (Dringo) husat i ken helpim mi na go pas long tim long

mekim ol gutpela sot.

Tru BAT i gat planti ol taun kompetisen pilai moa long tim bilong mi tasol mi no wari tumas long dispela.

Wanpela samting mi askim ol pilai bilong em long bihainim tasol tingting mipela i gat long pilai.

Bikpela samting em tim kodinesen. Sapos ol pilai i ridim pilai na save wanem hap pilai i go dispela bai i helpim mipela.

Mipela i laik difen gut na olsem mipela i no laik long lusim bal nating long birua bilong mipela.

Tasol BAT long wankain taim i redi tu long makim BSP.

Kepten na kosa Toka Kini-Aua i tok *Wantok Spot* olsem ol i bin lus long Brain Bell na bel wari i stap long ol. Dispela i no gutpela long tingting na olsem ol bai laik stretim dispela hevi wantaim BSP long dispela wiken.

Sapos mipela i ken mekim ol gutpela sot mi no lukim wanpela samting i mas pasim mipela long win, Kini-Aua i tok.

Mipela i save sut gut na dispela i ken helpim mipela. Moa yet tim bilong mi save difen gut na mi ting mipela inap

stopim BSP.

Mi laikim tu ol pilai i mas toktok long ol yet long kot. Bai i mas i gat gutpela komyunikesen namel long mipela.

Na mi laikim ol pilai mas putim tingting stret long pilai. BSP lain-ap: Nina Vele, Rengai Dringo, Betty Kila, Linda Vanuawaru, Kopi Kila, Keay John na Linda Karo. BAT laip-ap em Emma Karukuru, Imelda Griffin, Imelda Kia, Cecilia Karukuru, Michele Hakilitz, Patricia Karukuru na Toka Kini-Aua yet. Wina bai go long gren fainol wantaim Brian Bell.